

# *GOMANGKANNA*

 Ke a go leboga, Ngwanešu Shakarian. A re feleng re eme dinakwana di se kae. Ke na le nnete, ka go batheeletši ba bogolo bjo, go na le dikgopelo tše ntši, batho ba ba babjago, ba hlokago, gomme kafao a re nong go inamiša dihlogo tša rena nakwana feela bakeng sa lentšu la thapelo. Dikgopelo tše ntši šedi di letše mo, le tšona, le disakatuku.

<sup>2</sup> Tate wa rena wa Legodimong, re a tla bjale Leineng la Morena Jesu, go tsebeng se, gore O tshepišitše gore O tla kwa gomme o tla araba dithapelo tša rena. Gomme ke kgopela Wena go ba le kgaogelo go rena, go lebalela dibe tša rena. Gomme re a rutwa, ka Lengwalong, gore, “O lebalela dibe tša rena tšohle, le go fodiša malwetši a rena ohle.” Gomme re a rapela, Tate wa Magodimong, gore se se tla dirwa morago ga sekgalela se bjale, gobane re e kgopela Leineng la Morena Jesu.

<sup>3</sup> Godimo ga disakatuku tše le dikgopelo, re a rutwa ka Mangwalong, ka fao gore, “Go tšwa mmeleng wa Paulo go tšerwe disakatuku le ditethhwana, gomme meoya ye mebe e tšwile go batho, gomme ba ile ba fodišwa.” Bjale, O Jesu wa go swana lehono. Gomme re a ema, ka palo, re kgopela gore O tla fa dilo tše.

<sup>4</sup> Fao, ga go na le go kamaka, dikgopelo tše ntši ka moagong lehono, tša batho ba bantši kudu ba ba hlokago ka iring ye. Kopana le ditlhoko tša bona, Morena, bobedi nameng le semoyeng, ka gore re kgopela se Leineng la Jesu. Amene.

Go lokile. Ke a go leboga, ngwanešu.

<sup>5</sup> Re be re tlwaetše go opela pina ye nnyane, mengwaga ya go feta, “Polelo Ye Nnyane Le Jesu E E Dira Gabotse.” [Lefelo la go se be le selo godimo ga theipi—Mor.]

<sup>6</sup> Bjale, ke a dumela Ngwanešu Williams o sa tšwa go fetša go bolela gore go na le difihlolo mosong. Gomme bjale, ga ke dumele nkile ka kwa moo ngwaga wo o latelago o yago go ba gona. [Ngwanešu o re, “Thwi fa.”—Mor.] Thwi—thwi fa gape. Thwi—thwi fa gape. Gabotse, lefelo lela la go swana. Lefelo la go swana, leo le kaone kudu. Ee. Leo kudu . . .

<sup>7</sup> Banna ba swanetše go rapela ka Jerusalema, yeo ke Tucson, e sego—e sego tlase mo. Le a bona? Bjale, o fase ka tlase ga thaba. Jeriko e fase ka tlase ga thaba, go tšwa Jerusalema, le a tseba. Kafao, yeo ke Jerusalema tlase kua. Le a bona? [Ngwanešu gona o re, “Re letela mohlolo wo mogolo godimo fale.”—Mor.] A le kwele seo?

<sup>8</sup> Kafao, “Banna ba swanetše go rapela Modimo, mogohle,” Jesu o rile, le a tseba. “E sego ka Jerusalema, le ge e le mo goba

ka thabeng ye, eupša Mo rape leng ka Moya le ka Therešo.” Seo ke kgwekgwe ya selo, “Ka Moya le ka Therešo.”

<sup>9</sup> Bjale, nna, ka mehla, ge ke bolela, ke no ba ke nokologa kudu. Ke—ke be ke duma Ngwanešu Velmer Gardner, bošego bjo bongwe, a ka kgona go tla godimo mo le go bea bontši ka go metsotso ye lesometlhano go feta nka kgonago go e bea ka go diiri tše tharo. Nna!

<sup>10</sup> Ga—ga ke tsebe ge eba nkile ka le botša se goba aowa. Ge ke be ke sa le se—se segotlane, ke . . . papa wa ka e be e le mokatiši, le a tseba. Gomme o be a fela a katiša dipere le go di thapisa, o latetše phadišano, a thunya, go thunya ga boradia. Gomme o . . . ke naganne, le a tseba, ge ke swanetše go ba e ka ba bogolo bja mengwaga ye lesomepedi, ke swanetše go tsea morago ga papa wa ka. Kafao ge ba be ba lema pere ya kgale, ntle kua ka Indiana, le a tseba, go fihla a lapile kudu o be a sa kgone go šutha. Ke—ke be ke hwetša papa wa ka, ge a be a dira tikologo ka mogoma, le a tseba, ntentle ka morago ga tshemo. Gomme ke be ke tla ya fase fale moo ba bilego le legopo la kgale la go nošetša le dirilwe ka kota.

<sup>11</sup> Ke ba bakae ba kilego ba bona le tee la magopo a go nošetša? Motho, lebelela go Makentuckian ao a lego ka fa!

<sup>12</sup> Kafao, oo, ke be ke fela ke eba le nako ye kgolo, go ya tlase le go bea moriri wa pere ka meetseng, le a tseba, ke o šetša o retologa, seo re se biditšego, “noga ya moriri wa pere.” Ke bona ba bannyane . . . Le a tseba, go e kgwatha, gona e tla šutha. Gomme dinose . . .

<sup>13</sup> Ke be ke tla tsea baněšu ba ka ba bannyane le bohle, ka ba bea mmogo tlase kua. Gomme ka tsea pere ya kgale ya go lema, le a tseba, le go hlothola ditomo go tloga go yena thwi ka pela, le go hwetša sala ya papa, mogomarelakgapana wa go tlala seatla le go o bea godimo ka tlase ga sala, le go gogela lekope fase. Ke tla—ke tla tabogela godimo fale. Pere ya go šokiša, ya kgale le go lapa, gomme e be e sa kgone go tloša maoto a gagwe go tloga mobung. O be a no kgeretlanya, le a tseba. Gomme ke be ke tla lahlela kefa yeo go dikologa. Nna! Ke be ke gopola gore ke be ke le mokatiši.

<sup>14</sup> Gomme ke naganne lena bohle le hlokile nna ntle fa, ntle ka Arizona, go thapisa dipere tša lena, le a tseba. Kafao, e ka ba lesomešupa, lesomeseswai la mengwaga bogolo, ke tšhabile, ke tšwetše ntle fa go dikologa moo ba bego ba na le pha—pha phadišano. Gabotse, ke naganne, “Motho, ge nka no tsena ka go phadišano yela, ke tla ba namelela dipere. Ke tla ba le tšelete tsoko e dirilwe.”

<sup>15</sup> Kafao, ke a elelwa, mokatiši wa mathomo o tlie ntle. O be a nametše ye e bego e bitšwa . . . ke a dumela ba e bitša, “Kansas Outlaw.” Ke pere ye kgolo bogolo, moisa yo mogolo yo moso a ka ba diatla tše lesomešupa godimo. Ke ye thata ka kgonthe, pere

ye maatla. Ka gopola, “Gabotse, ge moisa yola a ka kgona go mo namela, ka fao nka kgona.” Gomme mokatiši yo wa go tsebega a ya ntile kua.

<sup>16</sup> Gomme ke be ke dutše tikologong lešakeng, le a tseba, ka pene moo makhapoye ohle a sentšwego sebolepego, le a tseba. Ke be ke se ka senywa sebolepego boka ba be ba le, eupša ke naganne ke be ke le mokatiši yo mokaone. Kafao ba . . . ke be ke nametše pere yela ya kgale ya go lema, gomme gobaneng ke sa kgone go namela e tee yela?

<sup>17</sup> Kafao ge a tšwela ka ntile ga mpshiko, monna, pere yela e kgonne go bea maoto a mane ka go pane ya go hlatswa. O dirile letšatši le lekopana go dikologa fale, makga a se makae. Gomme sala e ile ka tsela e tee, gomme mokatiši ye nngwe. Gomme batopi ba tšea pere, gomme ambulanse ya tšea mokatiši. Ke tsebile yeo e be e se pere yela ya kgale ya go lema ke bego ke e katiša.

<sup>18</sup> Mmitši o tlie tlase go kgabola, o rile, “Ke tla fa monna e ka ba mang,” o rile, “ditolara tše masometlhano.” Yeo e be e le tšhelete ye ntši nako yeo. “Ditolara tše masometlhano, yo a ka kgonago go mo katiša, metsotswana ye mentši *kudu* godimo ga gagwe.” Gomme o . . . Ke—ke be ke no roromela. O tlie godimo go nna gomme o rile, “A ke wena mokatiši?”

Ke rile, “Aowa, mohlomphegi.”

<sup>19</sup> Ge la mathomo ke phološwa gomme ke hlomamišitšwe, kereke ya Boromiwa ya Baptist, Ke be ke fela ke phathekga Beibebe, le a tseba, gomme ke be ke nyaka yo mongwe go mpotšiša ge eba ke be ke le moreri, le a tseba. Eupša nako ye nngwe le ye nngwe, yo mongwe o re, “Wena moreri?”

Ke tla re, “Kgonthe.”

<sup>20</sup> Letšatši le lengwe ke be ke le godimo ka St. Louis. Ke be ke sa tšwa go kopana le ngwanaborena wa Baptist, gomme ke be ke le godimo ka St. Louis. Gomme ke kwele moisa a bitšwago Robert Daugherty. Bontši bja lena le ka mo tseba. Gomme o be a le ka kopanong ya tente. O be a le ngwanęšu wa Mopentecostal. Nna! Monna yola o rerile go fihla a le bolou mo sefahlegong. Gomme o—o—o nno rera go fihla a no nwelela fase. O be o kgona go mo kwa a swara mohemo wa gagwe, dipoloko tše pedi bokgole, ntile le segodišantšu, le yena. Gomme go no swara mohemo wa gagwe, le go tla morago godimo, a rera.

Ge e sa le go tloga nako yeo, yo mongwe o re, “Wena moreri?”

<sup>21</sup> Ke rile, “Aowa. Ke—ke no rapelela balwetsi.”

<sup>22</sup> Tša ka tša kgale, ditsela tša go nokologa tša Baptist ga di nagane ka yona ka lebelo lela, kafao e nnong go nkgotlelela, le a tseba. Gomme le a tseba ke Lengwalo, le rile go “kgotlelela bafokodi,” kafao yoo ke nna. Kafao ke a leboga gore lena bohle le lekile go dira seo beke ye, gomme le dirile mošomo wo mobotse

ka kgonthé. Iri ya lesome bošego, ge ke be ke swanetše go ba gae le ka mpeteng, gomme ke le swareletše ntle.

<sup>23</sup> Eupša, ka kgonthé, morago ga sekgaleta se, ke ya go leka go hlaganelá le go ya ntle thwi. Ke na le bontši bja go otela go dira go le bjalo morago ga sekgaleta se, gore ke ye morago mo mosong.

<sup>24</sup> Gomme, kafao, ke—ke a le thabela, go le bjalo. Gomme ge ke sa hwetše sebaka go bolela se nako efe kapa efe ye nngwe, ke a le leboga, kudu, yo mongwe le yo mongwe, lena badiredi bohole, le lena borakgwebo ba Bakriste. Bjo bobjalo, ka kgonthé boipshino, go lena go ntaletša, le go ntumelela go tla fa le go bea ka go pholaka ya ka ye myane le lena baena. Ngwanešu Shakarian, Ngwanešu Williams, le bohole ba—ba banna. Ka kgonthé ke leboga kudu.

<sup>25</sup> Gomme gobaneng le sa re “amene” nakwana ya go feta, Tony, ge ke boletše ka Tucson? Ebile ga se ke mo kwe. Yoo ke motsomi yo mokaonekaone ka Arizona ge ke le ka Indiana, le a bona, eupša seo ke ka morago ga ge ke ile Indiana. Le bona seswantšho sa gagwe ka pampiring letšatši le lengwe? Moo . . . Re swanetše go fetola seo, Tony.

<sup>26</sup> Kafao bjale, elelwang, gosasa bošego, moletlwana ka . . . le Ngwanešu Oral Roberts.

<sup>27</sup> Gomme, bjale, pele re batamela Lentšu. Ke—ke be ke eya go bolela morago ga sekgaleta se ka *Go Bala Go Ya Fase*. Gomme ke naganne gore—gore ke tla tla ka fa, le tla be le sa dutše fa ka iri ya bošupa. Oo, oo, ka ga se saense e kgonnego go se dira, gomme gona se Modimo a kgonnego go se dira, le a bona. Gomme kafao re phela ka go lebaka la go fapaná go feta re be re phela, bobedi nameng le semoyeng. Kafao re—re leboga kudu bakeng sa diphihlelelo tša rena ka go dikgao tša semoya, go swana le ge saense e le ka go tša bona—ka go dikgao tša bona, dikgao tša saense. Bjale a re, ge le sa tshwenyege, gape . . .

<sup>28</sup> Le a tseba, o ka no opela kudu. Ga ke bone ka fao le ka kgonago, ge le opela boka khwaere ya Ngwanešu Outlaw, nakwana ya go feta, ge ke be ke eme fale ke e theeditše, ba be ba eya, “Godimo, godimo, godimo, godimo.” Gomme, eupša, gomme gape, o ka no ja kudu. O ka no nwa kudu. O ka no šoma kudu. Eupša ga ke nagane o ka kgona go rapela kudu. Beibele e rile, “Ke rata gore banna ba rapele mo gohle, ba emišitše diatla tše kgethwa godimo.” Le a bona?

Kafao a re inamišeng dihlogo tša rena gape, feela nakwana.

<sup>29</sup> Tate wa Legodimong, re—re rata go bolela le Wena. Gomme ke nagana ka banna, ka fao ke ratago, go tseba gore ba ka toropongkgolo, feela go šišinya seatla sa bona le go bolela le bona. Bohle re na le maikutlo ao. Gomme ke bogolo gakaakang go fetiša go lego go monyetla wa go bolela le Wena, Morena wa rena le Mophološi wa rena! Gomme dipelo tša rena di a rethetha, go ba ka bogoneng bja seng sa rena, gomme ka gona ke bontši

gakaakang go fetiša ge re tseba re ka Bogoneng bja Gago bjo Bokgethwa!

<sup>30</sup> Gomme re a tseba O mo, ka gore O rile, “Kae kapa kae.” Ge yohle e le godimo ga lefase, goba go dikologa lefase, goba e ka ba kae e ka bago, “Moo ba babedi goba bontši ba kgobokanego ka Leina la Ka Ke tla ba fale magareng ga bona.” Gomme re a tseba gore Lengwalo leo le ka se palelwé. Tshepišo yeo ke ye Kgethwa. E tlie go tšwa go dipounama tša Mophološi. Gomme kagona, mohlomongwe re... letswalo la rena le la rena... Sebe sa gosedumele ga rena se re arogantše, kgolekgole kudu, gore re ke re se kgone go Go lemoga go beng fa. Eupša O mo go no swana, ka gore O boloka tshepišo ya Gago.

<sup>31</sup> Gomme bjale, O rile, “Ge ba ka kgopela e ka ba eng, ka go kgwatha selo se tee, gomme e tla fiwa bona.” Gomme, Tate, se— se selo se segologolo seo nka naganago ka sona, feela mo nakong ye le go batheeletši ba ke, re fepe, Morena, ka Mana a semoya ao a tšwago go Modimo, go tšwa Legodimong. E fe, Morena. Re fepe ka Lentšu la Gago. “Lentšu la Gago ke Therešo.” “Gomme motho a ka se phele ka borotho feela, eupša ka Lentšu le lengwe le le lengwe le tšwago molomong wa Modimo.” Gomme ge re Le bala, a nke Moya wo Mokgethwa o Le tseele go pelo ye nngwe le ye nngwe, le go Le arola magareng ga rena lehono feela bjalo ka ge re ne tlhoko, ka gore re e kgopela ka Leina la Jesu, Morwa wa Gago. Amene.

<sup>32</sup> Bjale, bjalo ka ge makga a mantši, bjalo ka ge ke boletše, badiredi le batho, re theetšane seng go bolela. Gomme re tsea fase dihlogo tša Lengwalo tseo modiredi tsoko yo mongwe a boletšego ka tšona, goba yo mongwe. Gomme—gomme kgafetšakgafetša ke dira seo, go ya go theoga tsela. Ke na le lephephe le lennyane la pampiri, puku ye nnyane, e letše mmogo hleng le... lehlakore la ka. Gomme Lengwalo le tla tla godimo ga monagano wa ka, ke ngwala leo fase. Gomme selo sa pele le a tseba... Bjale, lena bohle le molato wa seo, a ga re? Re dira seo. Gomme ka gona, ka morago ga lebakana, Moya wo Mokgethwa o tla phediša seo go rena. Gomme re hwetša kgopoloye nngwe, gona ke no swanelo go tepogela ka thoko ga tsela le go ngwala dilo tše dingwe fase.

<sup>33</sup> Gomme—gomme yeo ke tsela, gona, ge ke etla go nako go bolela, ke tla ya morago go kgabola dilo tseo. Ke tla ya go nagana ka yona, le go kitimiša tšhupetšo tsoko ya Lengwalo, gomme morago ka bea yona tšhupetšo ya Lengwalo fase. Gomme ka gona ge ke retologela go yona, ke elelwa se Lengwalo le se bolelago, gomme ka gona ke bolela go tšwa fao. Ka bontši re dira ka tsela yeo.

<sup>34</sup> Bjale ke ya go bala feela e ka ba temana, go tšwa go puku ya Bafilepi gape. Ke be ke bala go tšwa go Bafilepi bošegong bjo bongwe, godimo... Laboraro bošego godimo le Ngwanešu Shores ka Assembly of God, ge ke boletše ka thuto ya Go

*Tsebagatšwa Le Yena.* Gomme bjale ke nyaka go bala ka go tema ya 1 ya Bafilepi, bakeng sa morago ga sekgalela se, e ka ba temana ya 20. Gomme bjale a re theetšeng ka go rapela ge re bala.

*Go ya ka ditetelo tša ka tša tiišetšo le kholofelo ya ka, gore go se be selo ke tla lewago ke hlong, eupša seo e lego sebete, sebete sohle, . . . ka mehla, kafao bjale gape Kriste o tla bonagatšwa ka mmeleng wa ka, ge eba ke ka bophelo, goba ka lehu.*

*Gobane go nna go phela ke Kriste, gomme go hwa ke leruo.*

*Eupša ge nka phela ka nameng, ye ke kenywa ya katano ya ka: efela se ke tla se kgethago ga ke se tsebe.*

<sup>35</sup> Ke be ke nagana ka se, gomme ke naganne ke tla šomiša kgopolu ye nnyane ya go tlwaelega, feela lentšu.

<sup>36</sup> O re, “Ngwanešu Branham, ‘lentšu,’ bakeng sa se, ka kgonagalo batho ba sekete ba dutšego fa?” Feela ‘lentšu?’” Gabotse, ge e le mohuta wa nnete wa lentšu. Le a bona?

<sup>37</sup> Gomme ke nyaka go leka, ge Moya wo Mokgethwa, Yena Yo a re šušumeletšago, go aga ye nnyane, go hwetša boithekgo bjo bonnyane go dikologa sehlogo sa ka. Ke nyaka go se bitsa: *Gomangkanna.*

<sup>38</sup> *Gomangkanna.* Bjale, ke be ke lebeletše ka go pukuntšu, go hwetša. Ge ke be ke lebeletše lentšu, go *tsebagatšwa*, ke tlile ka go lentšu le, *gomangkanna*. Gomme *gomangkanna*, go ya ka pukuntšu ya Webster, ke, e re ke “go phethagala ka go yonamong; gohlokamagomo ka maatla; konokono ya motheo.”

<sup>39</sup> *Gomangkanna.* E šomišwa makga a mantši. Ke “lentšu la mafelelo” Ke “amene.” Le kwa batho ba re, “Ka go felela, yeo ke yona.” Seo ke “selo sa mafelelo.” Ke—ke “gosebelemagomo.” Le a bona? Seo, seo se tsea “go tloga mo go ya pele.” Fao “ga go selo gape ka tseleng ya sona.” Ke—ke “godimodimo.” Ke “konokono.” Gomme konokono ke, ge, motheo konokono, gobane o “fihlike bofelong.” Ke “amene.” Yeo ke phetho.

<sup>40</sup> Bjale, e ka ba mang, le go tlemelelwa go phihlelelo ye nngwe le ye nngwe ye kgolo, e bile gomangkanna. Go motho yo mongwe le yo mongwe, le selo se sengwe le se sengwe seo se dirilwego, goba go dirwa, a ke re, fao go bile gomangkanna ye e kopanego le yona. Go swanetše go ba se sengwe, ka gore ke kota ya mafelelo ya go tlema. Gomme motho ga a kgone, le ka mokgwa ofe, go fihlelela e ka ba eng go fihla ge fao go etla felotsoko mo ba lemogago gore fao go na le gomangkanna.

<sup>41</sup> Nako ye nngwe, ka o—o ofising ya ngaka, ke be ke bolela le ngaka. Gomme o rile, “Gabotse, ke—ke a go botša, Billy.” O rile, “Ke therešo gore—gore ke dumela gore motho a ka fihlelela

tumelo ya go lekanelo, gore a kgone go ya ntle fa le go kgwatha mohlare wo le go fola."

<sup>42</sup> Ke rile, "Eupša, ngaka, monna a ka kgona bjang go tsoge a ba le tumelo go lekanelo go kgwatha mohlare le go fodišwa? Le a bona? Gobane, ga go bokamorago go seo. Fao—fao ga go lefelo o ka kgonago go e tlemelela go lona, ka gore ga se—ga se—ga se, ka mangwalo, motheo."

<sup>43</sup> Eupša o swanetše go ba le se sengwe o ka tlemago go sona, go tseba gore Ye ke yona. Seo ke . . . Dilo tše ntši tše nnyane di ka hlahlela godimo go yona, eupša Leo ke Lentšu la mafelelo, selo sa mafelelo. Ke ka lebaka leo ka mehla ke dumetšego go—go Lentšu.

<sup>44</sup> Gomme ke a tseba, mohlomongwe bopaki bjo bonnyane bjo bo tlago pelong ya ka feela bjale, bo ka no se be maleba kudu, eupša ke—ke a holofela gore bo—bo ka se kgopiše. Gomme mosadimogatša wa ka a dutše fale, gomme, oo, bontši fa, ba tseba gore yeo ke therešo. Go bile le . . .

<sup>45</sup> Ke be ke fela ke eya le mo—mo—mo mohumagadi yo moswa yo a bego a le . . . go tšwa go kereke ya Baptist ka Milltown, Indiana, ye ke bego ke e diša. Gomme mohumagadi yo moswa o be a le ka dikopanong gomme o bone se Modimo a se dirilego. Gomme, oo, re be re no ba bagwera, feela bagwera ba go loka. Gomme moragwana re be bobedi . . . O nyetšwe ke lesogana le lekaone. Gomme—gomme ka gona, ka morago, ke ile ka nyala. Gomme ga se ra ke ra bonana seng sa rena, lebaka la mengwaga.

<sup>46</sup> Tatagwe e be e le mogwera wa ka wa sebele. Leina la gagwe e be e le Lee, Marion Lee. Gomme ke a elelwa, bošego bjo bongwe, Lengwalo, o be a sa kgone—o be a sa kgone go Le lokiša. O rile, "Ngwanešu Branham, ga—ga ke go belaele. Eupša," o rile, "o a tseba, ka mehla ke rutilwe se." O be a le—o be a le Monazarene. Gomme o rile, "Ke—ke rutilwe se. Gomme ke no se kgone go Le kwešiša." Gomme o be a le mmetli.

<sup>47</sup> Ke ile gae le yena, bošego bjo bongwe, gomme o rile, "Ke a go botša. Ge Norma le bona ba eya lebatong la ka godimo," o rile, "a re—a re no ba le go kgema go ja. Re na le borotho tsoko bja lehea le potoro ya maswi." Seo ka kgonthe ke se sebotse. Gomme kafao re . . . Nka e swara toká gonabjale.

<sup>48</sup> Ke be ke sa je lebaka la dibeke tše tharo mo, feela gannyane, bjale le gona, gore ke kgone go ba bokaonekaoneng bakeng sa Morena wa ka.

<sup>49</sup> Gomme bjale, re na le galase ye kgolo ya potoro ya maswi ya go tonya go tšwa ntlong ya seruthwana, le seripa se segolo sa borotho bja lehea bja go tonya. Gomme re dutše fase, le go kgeretlanya borotho bjo bja lehea godimo ka kua, re be re ejá. Gomme o rile, "Billy, ke no se hwetše Seo o bolelagó ka sona."

<sup>50</sup> Kafao, re—re ile malaong. Go bapa e ka ba, thari botelele bošego, o . . . Re boletše go fihla e ka ba ka iri ya pele. Ke ile go robala godimo ga gagwe. Gomme a—a tsoga, gomme a re, “Ke—ke lorile gore ke be ke aga moago godimo ka—ka New Albany, gomme monna o ile a ntlogelela polane. O ile Florida. Gomme o bile le, go polane ye, o bile le lefastere la ka thoko. Gomme ke rile, ‘Monna yola ga a nyake lefastere la thoko ntle kua,’ kafao ke nno le tlogela. Gomme o rile, “Ge monna a bowa morago, o rile, ‘Nka se go patele bakeng sa moago wo go fihlela o o thuba le go o agagape go ya ka polane ye.””

<sup>51</sup> Ke rile, “Go na le nokana thwi tlase fa. Ga se kgole kudu. Kafao, ga o nyake go ya go thuba se sengwe tlase mo bofelong bja tsela. O ka no se be le nako.”

O rile, “A go lokile ka dipitšama tša ka?”

Ke rile, “Le ya ka, le nna. A re ye.” Kafao re ile tlase.

<sup>52</sup> Kafao morwedi wa gagwe o bile kgonthe, go tsebalega ka kgonthe, le ditlogolo tša gagwe, go opela.

<sup>53</sup> Gomme ba—ba be ba le United Brethren. Morwedi wa gagwe o nyalane, modiredi wa United Brethren, goba morwa wa modiredi. Gomme mošemané yo, moisa yo mokaone, o be a le mekheniki godimo mo mešomong ya dikepe. Gomme mosetsana yo monnyane o leka go phelela Kriste. Go bile le kgatelelo ye ntši kudu godimo ga bona.

<sup>54</sup> Ba be ba le digotlane tše bohlale phetelela. Yo mongwe wa bona, ka bogolo bja mengwaga ye lesomešupa, o be a ruta mmino. O be a ithutetše, gomme o be a le mosetsana wa setswerere kudu.

<sup>55</sup> Gomme kafao moisa yo monnyane yo o be a sa kgone go emelana le kgatelelo ya go gokwa, gomme ba be ba mmotša gore o be a le fešene ya kgale, le go ya pele. Gomme ka morago ga lebakana, segotlane se bile le go phuhlama.

<sup>56</sup> Ba—ba mo išitše go, se ba se bitšago, Our Lady of Peace, lefelo la Katoliki ka Louisville, bakeng sa kalafo ya letšhogo. Gomme ba mo file . . .

<sup>57</sup> Nnete, woo ke mothunyo ka leswiswing. Ge go na le ngaka mo, ke a holofela ga ke go kgopiše ka seo. Eupša dinako tše dingwe go ba dira gampempe go feta go kile.

<sup>58</sup> Gomme kafao ba mo fa kalafo ya letšhogo, gomme e dirile ngwana yo mobe. Kafao ba mo rometše gae. Dibeke di se kae, ba ile ba swanela go mo tliša morago gape, gomme ka kgonthe o be a le sebopiegong se se šiišago nako yeo. Kafao ba mo mmeile, le go leka go mo alafa godimo kua, lebakana le lentši, gomme a befabefi.

<sup>59</sup> Gomme kafao matšatši a mararo go tloga nako yeo, ba be ba eya go mo iša Madison. Leo ke lefelo la digafa moo ba—ba ba beilego ka go sele ya go nottelwa, go tloga nako yeo.

<sup>60</sup> Kafao mme o rile, “Ga se ra fenngwa.” Gomme o rile, “Re tla bona ge re ka kgona go hwetša Ngwanešu Branham go tla godimo le go mo rapelela, ge a le gae.”

<sup>61</sup> Kafao ba leditše, gomme go diragetše go ba ke be ke le gae. Kafao o tlie godimo go mpona, o rile, “Ngwanešu Branham, a o tla ya godimo, wa mo rapelela?”

Ke rile, “Nnete.”

<sup>62</sup> Kafao o leeditše ngaka. Gomme ngaka o rile, “Ke mang yo a bego a etla?” Kafao o mmoditše e be e le nna. Gomme o rile, “Gabotse, ke tla go botša, ema.” O rile, “Re tla—re tla . . . O nteletše morago, morago ga sekgalela se.”

<sup>63</sup> Gabotse, o leditše, le go ya pele go fihla iri ya pele mosong. Mosadimogatša wa gagwe o tšwetšepele a re, “Ga a ka gare.” Mosong wa go latela o leditše. “Ga a ka gare.” Gomme letšatši la boraro ba be ba eya go romela ngwana.

<sup>64</sup> Kafao, ke—ke hloya go bolela se, eupša ke na le tsela ya go tseba. Ngaka o be a no efoga taba. Le a bona? Kafao gona tate o be a tšhogile ka kgonthe. Ke ile ka swanelia go tlogela letšatši le le latelago, go tloga ntle. Letšatši leo e be e le lohle re bilego le lona.

<sup>65</sup> Kafao mme le tate, le dikgaetšedi tše dingwe tše pedi, ba tlie godimo, ba lla, ba rile, “Yena, o no be a efoga.”

<sup>66</sup> Ke rile, “Kgonthe, ke yena. Eupša ke le botša eng. O se ke wa re ke nna modiredi. E no ntlogela ke ye godimo bjalo ka mogwera, ke no ya le wena.”

<sup>67</sup> Kafao re ile ka lefelong. Le a tseba, ba notlela mabati ka morago ga gago, gomme ba go iša godimo ka elebeitha, morago ba notlela elebeitha. Kafao . . . Gomme kgaetšedi yo o be a re iša godimo.

<sup>68</sup> Gomme re tsene ka kamoreng, le go dula fase ka thoko ga malao. Gomme fale mohumagadi yola yo monnyane yo mobotse ka kgonthe, e ka ba lesometshela se sengwe, a dutše fale, a sepetše ka go felelela. Wena . . . Yena, a no gomola mahlo. O ka ſikinya diatla tša gago, gomme ebile ga se a e lemoga.

<sup>69</sup> Gomme ke rile go yena, “Ruthie, a o—a o a nkgopola?” Ke rile, “Ke—ke—ke nna Ngwanešu Branham.” Ke rile, “O be o fela o mpitša Ngwan’šu Bill.” Ke rile, “Ke—ke go tlišitše go Kriste, mo palong ya thari. A ga o nkgopole?”

<sup>70</sup> O no ema le go lebelela. Oo, mosetsana yo mobotse; gomme ba bararo ba bona, e be e le boraro, bokgaetšedi ba bararo. Gomme ke lekile go hwetša šedi ya gagwe, gomme ga—ga se ke kgone go e dira. O be a gomotše mahlo. O be a nno sepela.

<sup>71</sup> Gomme ke dutše fale. Gomme ke . . . Ba be ba se na le kota godimo ga mpete ka go wona mafelo, le a tseba, lebaka la gore ba se gobale. Gomme ke dutše go kgabaganya, leoto la malao. Mme o dutše, thoko ye nngwe ya malao a mannyane,

a mannyane a, malao a mannyane ka kamoreng ye nnyane ye. Gomme mosetsana o be a dutše godimo ga se sennyane, boka setulo se sennyane se agilwe mo lebotong. Gomme kgaetšedi aeme, gomme tate o be a eme kgaušwi le mosetsana.

<sup>72</sup> Gomme mme o be a eme fale, gomme dikeledi di kitima go theoga go tloga marameng a gagwe. O rile, “O a bona, Billy? Ke eng—ke eng re ka e dirago?”

Ke rile, “Gabotse, theetša, Norma. Kriste o sa le Kriste.” Le a bona?

<sup>73</sup> O rile, “Se e bile sebaka sa rena sa mafelelo.” A re, “Ge ba mo tseela godimo kua, o tseba se se yago go direga.” O rile, “Re ka se tsoge ra mmona, ke a thankā, gape. Gomme ge re dira, le a tseba bjang, tshwa—tshwa tshwaro ye ba e hwetšago kua.”

<sup>74</sup> Gomme ke rile, “Gabotse, Norma, a re se ke ra thantshelwa.” Ke rile, “Re no—no leta metsotso e se mekae.” Gomme gona, go se fete go bolela seo, fale go eme mosetsana pele ga ka, ka ponong, gabotse ka sekeng, a myemyela. Gomme o be a lebeletše go lebanya lesogana. Gomme ke lebeletše lesogana.

<sup>75</sup> Ka lebelela morago. Pono ya ntlogela. Ka re, “Norma, a o na le lesogana, mohuta wa moriri wo motelele le wo moso?”

“Ee.”

Ke rile, “A o dira se sengwe le bona ka go opela?”

O rile, “Ee. Yeo ke nnete.”

<sup>76</sup> Ke rile, “Se tshwenyege. Ke na le O RIALO MORENA. O tšwela ka ntle ga yona.”

<sup>77</sup> Norma o ile a fošetša diatla tša gagwe gomme a ntshwara ka letolo, a lebelela godimo go monnamogatša wa gagwe, a re, “Hani, ga e nke e foša.” O rile, “Ga nke e foša.”

<sup>78</sup> Mosetsana ga se a ke a fetoga le gannyane. Ke rile, “Go lokile, Norma. Le a tseba gore nkabe ke se ka le botša seo bjale ntle le ge ke se bone. Gomme Modimo ga a kgone go aketša.” Le a bona? Ke ile pele ka ntle ga sepetlele gomme ka tsena ka koloing ya ka mong. Ba dutše.

<sup>79</sup> Gomme e ka ba diiri tše pedi go tloga nako yeo, mogala o be o no lla, ge ke etla godimo go tšwa go Mna. Wood, tlase ka fase. Gomme e be e le tatagwe. O be a le mogaleng. O rile, “Ngwanešu Branham, ke na le se sengwe go go botša.” O rile, “O be o se wa ya metsotso ye masomepedi, go fihla a hlapologelwa, go itekanel. Gomme o hlahlofilwe ke bašomi ka moka ba dingaka. Re mo tšeela gae mosong.”

<sup>80</sup> Gomme bjale, le a bona, bjale o opela mo tabarenekeleng bjale. Bjale, go ne banna le basadi fa, go tšwa—go tšwa Jeffersonville fale, bao ba tsebago kanegelo yela ke therešo. Ge le le ka fa morago ga sekalela se, phagamišang diatla tša lena,

ke ba bakae ba tsebago kanegelo yela? Ee. Le a bona? Gohle go dikologa, ba ba tsebago gore ke therešo, therešo ka go felela.

<sup>81</sup> Bjale, e be e le eng? Mohumagadi yo monnyane yola o šomišitše pono yela bjalo ka—bjalo ka gomangkanna, konokono. Le a bona?

<sup>82</sup> O swanetše, ka go se sengwe le se sengwe, o swanetše go ba le felotsoko o ka kgona go tlemagana fase go sona. Gomme ka mehla ke šomišitše Lentšu la Modimo, ka gore fao ga go kota ye nngwe ya go tlemelela ye ke tsebago ka yona, bogolo bjalo ka bjoo, ka gobane “Bobedi magodimo le lefase di tla feta,” go boletše Jesu, “eupša Lentšu la Ka le ka se tsoge la palelwa.” A kota ya go tlemelela!

<sup>83</sup> Bjale, Paulo o be a na le bophelo botsengwagare go Kriste. O... Yeo e be e le, Kriste, e be e le gomangkanna ya Paulo.

<sup>84</sup> O be a—o be a le morutiši yo mogolo, Paulo o bile. O be a rutilwe ka tlase ga Gamaliele. Gomme morutiši yo mogolo a bego a le, wa gagwe, ka tlase ga kerekelleina ya bokamorago bja gagwe bja Mofarisei. Gomme o be a rutilwe, a tsenywa sekolo, gomme o be a ne bokamorago bjo bogolo.

<sup>85</sup> Ke a nagana, ge a amogetše Moya wo Mokgethwa, gomme a ile tlase ka Egepeta lebaka la mengwaga ye meraro, Ke nagana gore e swanetše go ba e be e le moo a swanetšego go tše Lengwalo le go Le bapetša le kutollo yeo a bilego le yona, go bona ge eba E be e lokile. Gomme le tseba ye kgolo, puku ya go tuma, ya Bahebere, ga go yo mongwe a ka bego a e ngwadile eupša Paulo, gobane o tsebile ka fao, dikai tselia le dibopego. A thuto ye botse!

<sup>86</sup> Gomme bjale, Paulo o kopane le Jesu letšatši le lengwe. O kopane... O kopane le Yena, sefahlego ka sefahlego, tseleng ya Damaseko ge a be a eya tlase go hlomara Bakriste.

<sup>87</sup> Mo—mo mogwebi yo mogolo a e fa ntle ditšhošetšo tše kgolo, le go dira dilo kgahlanong le Kereke ya Modimo, a dira mmudubudu wa Lona, ebile a Le hlomere go iša lehung. Gomme letšatši le lengwe tseleng go theoga... .

<sup>88</sup> Lebaka le a bilego le bophelo botsengwagare go Kriste ke ka gobane yena, ka sebele, bjale go beeleng thoko thuto ya gagwe, ka sebele o kopane le Kriste.

<sup>89</sup> Gomme yeo ke tsela e nnoši o ka tsogego wa Mo tseba, ke go kopana le Yena. Le a bona? Bjale, “Go tseba Yena ke Bophelo,” ebile e sego go tseba Lentšu la Gagwe, gabotse ka mo Le ka bago. Go le bjalo, o swanetše go Mo tseba. “Go Mo tseba ke Bophelo.”

<sup>90</sup> Gomme Paulo o be a se a be le boitemogelo bjo nako yeo. Gomme o rile, lefelo le tee mo, “Bophelo bjo bjale ke bo phelago...” Go laeditše gore o be a phetše bophelo bja go fapania, nako ye nngwe. Bophelo bja gagwe bo be bo fetogile.

<sup>91</sup> Gomme ge bophelo bja gago bo fetotšwe, bo go dira gore o dire dilo tše ka tlwaelo o bego o ka se di dire. Gomme, go go dira gore o bolele dilo tseo ka setlwaedi o bego o ka se di bolele, monna yo a nago le bophelo botsengwagare go Kriste.

<sup>92</sup> Gobaneng, Paulo o eme thwi ka magareng ga batho, Bajuda bale, le go ya pele. O be a...tshetlana e tee ya poifo ka yena. O tsebile Yo a mo dumetšego. Gomme o—o bile le bo—bo bophelo bjo a ka se bo dirego ka mokgwa ofe, ge nkabe a se a hwetša se sengwe seo se bego se le sa mmapale gomme se mo kgwapareditše.

<sup>93</sup> Ke a nagana, Mokriste mang kapa mang o swanetše go ba ka tsela yeo, modumedi yo mongwe le yo mongwe. Ga wa swanela go tsoge...Ke a nagana, kudukudu, badiredi ga na swanela ba tsoga ba leka go tsena phuluphithing go fihla ba kopane le Modimo godimo ga mašabašaba a makgethwa ale mo go sego rafilosofi a ka kgonago go Le hlatholla go tloga. O kopane le Modimo, gomme o a e tseba, gomme ga se gona se ka tsogego sa Le uta go tloga go wena.

<sup>94</sup> Bjale, re na le dinako tše re nago le dithuto tše kgolo, gomme ga go selo kgahlanong le seo. Seo se lokile. Eupša, seo sohle se ya gabotse. Eupša lena, ka sebele, le swanetše go kopana le Modimo, go lefelo moo go sego yo motee a ka kgonago go phetla Mangwalo e ka ba afe. O be o le fao. Wena, ke wena yo a kopanego le Yena. O bile le boitemogelo bja yona. O a Mo tseba. Le a bona?

<sup>95</sup> Ke a nagana, modiredi yo mongwe le yo mongwe, gagolo, le modumedi yo mongwe le yo mongwe, o swanetše—o swanetše go tsea lefelo le, boemo bjo, go kopana pele le Kriste, ka sebele. Gomme go go dira o dire dilo, bjalo ka ge—bjalo ka ge ke boletše, tseo ka setlwaedi o bego o ka se di dire. Go go dira o bolele dilo tše ka setlwaedi o bego o ka se di bolele. Efela, Ke se sengwe o itshamilego ka sona, goba go tlemelelwa go sona. Ke se sengwe seo o se tsebago, boka Paulo, gore o—o kopane le se sengwe seo se bego se fapano go feta seo o kilego wa se bona bophelong bja gago. Le a bona?

<sup>96</sup> Go no swana le sekepe. Le a bona? Sekepe se na le—se na le gomangkanna, gomme gomangkanna yela ya sekepe ke sekgwaparetši.

<sup>97</sup> Bjale, ge sekepe sela se le ka go meetse a go tšokatšoka, moo go ka bago bonolo go ka lahlelwa kgahlanong le leswika, goba—goba go phatloga; goba go betha fase, moo me—me meetse a sego botebo go lekanelo; gomme a magolo a go kokomoga, a etla godimo, a tla tšutla sekepe, a se menola.

<sup>98</sup> Se swanetše go ba le meetse a go teba go lekanelo go se phaphamiša, goba maphoto a tla se menola. Gomme—gomme sekepe ka sekgwaparetši, se segolo sela, ditone tše maatla tša—tša tshipi ye e rothetšego ntle, sa tshipi. Gomme se ya fase, tlase, go fihla se itia ntlhora ya mpete wa lewatlekgolo, felotsoko ka

ntlhoreng ya thaba. Gomme sekgwaparetši se segolo sela se a goga, ge maphoto a binabintšha sekepe, go fihla se ratha merumo ya sona ye magolo ka leswikeng. Gomme, fao, sekepe se na le gomangkanna. Se kgwapareditše. Maphotho a ka no se iša kua le kua, eupša, go le bjalo, sekepe sela se ka kgona go ema feela ka go phethagala, moo se kgwapareditšego, ka gore ke gomangkanna go sona.

<sup>99</sup> Gomme ge Kriste e le Gomangkanna ya gago, o tlemeletšwe go Yena ka mokgwa woo, ga go kgathale se e ka ba mang a se bolelago, tlhomaro e ba boima gakaakang, ledimo le bonala bobe gakaakang, go bonala go se kgonege gakaakang—gakaakang go yona go direga. Ge se sengwe se diregile ka go wena, gore, Kriste o ba Gomangkanna ya gago, goba tshepišo e ka ba efe ka Beibeleng e ba gomangkanna ya gago. Ge o babja, gomme—gomme o rapediša phodišo, gomme se sengwe se tla go seo, se ratha tshepišo yela ka Beibeleng, “Ke na le yona,” fao ga go selo se yago go šišinya go tloga go Yona.

<sup>100</sup> Le elelwa kanegelo metsotso e se mekae ya go feta, ya mohumagadi yo monnyane? Pono yela e be e le gomangkanna ya gagwe. O tsebile gore ga se ya ke ya šitwa, ka fao e be e le gomangkanna ya gagwe. Ge a ka kgona go dira Modimo go bolela morago le go re “Go fedile,” ga go kgathale se ngaka a se boletšego, e be e le gomangkanna. E be e kgwapareditše go felela.

<sup>101</sup> Gomme monna goba mosadi, feela ka go filosofi goba go tšoena kereke, goba se sengwe go swana le seo, ga se wa be wa kgwaparetša le bjale. Wena, o tla tšeа lengwalo la gago go tloga kerekeng e tee go ya go ye nngwe, go tloga lefelong le tee go ya go le lengwe. Eupša ge o no tšeа Gomangkanna ya kgonthe, Kriste, kgwaparetša wenamong ka go Yeo. Ga go dire phapano ye e itšego se se tloga goba se sepelago, o sa kgwapareditšwe.

<sup>102</sup> Gomme se Mokriste a se hlokago lehono, ka go lebaka le la athomo, le nako ye ya gosehlake, o hloka se sengwe ntle le feela boitemogelo bja go tšoena kereke. O hloka sekgwaparetši, gomangkanna, ye o e tsebago. Gobane, dikereke di tla šitwa, gomme batho ba tla šitwa. Eupša Kriste ga a kgone go šitwa. Yena, Yena ke—Yena ke Gomangkanna go modummedi. Gomme ge Kriste e le Gomangkanna ya gago, o tlemeletšwe go Yena. Gomme ge A le Gomangkanna ya gago, gomme o tlemeletšwe go Yena, gona o tlemeletšwe go Lentšu.

<sup>103</sup> Bjale, bjale, Se se bolela ge eba re na le gomangkanna ya maleba goba aowa. Le a bona?

<sup>104</sup> Ge o ka kgona go bala ka go Lengwalo leo, se sengwe se Kriste a se beetšego goba a re laetšego go se dira; gomme, ka lebaka la ba bangwe ba nyokanyoka go dikologa, ge yo mongwe a ka go botša Seo e be e le sa barutiwa goba yo mongwe gape; gomme ka gona ga o swarelele go Leo, gona Kriste ga

se Gomangkanna ya gago. Motho yola a go etilegopele go tšwa Tseleng ke gomangkanna ya gago.

<sup>105</sup> Eupša ge Lentšu lela, Kriste, a sa swere, le a bona, gona Yena ke Gomangkanna ya gago. Ga ra swanelo go dumelala e ka ba eng go re ntšha tseleng ya Lentšu. Le a bona?

<sup>106</sup> Ba bangwe ba bona, lehono, e ya go feta le kile, ge matšatši a feta, gore re ya go bona batho ka se, bjalo ka ge Jesu a rile, “Sebopego sa bomodimo.” Gomme feela se—se sebopego se se tlagoo ka go sona. Re bile le sona ka go Mamethodist le Mabaptist, le go ya pele, lebaka la mengwaga, gomme bjale e khukhuneditše godimo ka go Mapentecostal. Gomme gannyan...

<sup>107</sup> Ge Modimo a file motho Moya wo Mokgethwa, O mmeile ka sefahlego sa gagwe go leba Khalibari, le Lentšu pele ga gagwe.

<sup>108</sup> Bjale, medu ye mennyan e tla tsoga go tšwa go tsela yela ya lephefo, go tla ka gare gomme ya itata go dikologa le go rarela mohlare wola, gomme o nagana ga o ne molato kudu. Eupša, selo sa pele le a tseba, e go swere kudu go fihla e go gogela ka tsela ya go fošagala, e go dira o obamele ka tsela ya go fošagala.

<sup>109</sup> Gomme go bjalo le difilosofi le dilo di tsene magareng ga rena, go fihla e thoma go re gogela go leba lefaseng. O tšeia Tšoša ye bogale ya magalemabedi ya Modimo gomme wa ripa go lokologa go se sengwe le se sengwe, le go dula thwi godimo ga Lentšu lela, ka gore Leo ke Konokono. Leo ke Gomangkanna, go modumedi yo mongwe le yo mongwe.

<sup>110</sup> Gomme ge monna goba mosadi a tladitšwe ka Moya wo Mokgethwa, pelo ya gago ka go wena e tla feleletša tshepišo ye nngwe le ye nngwe ya Modimo ka “amene.” Yeo ke nnete.

<sup>111</sup> Bjale, ge yo mongwe a go botša, “Matšatši a mehlolo a fetile. Ga go na selo se bjalo ka phodišo Kgethwa. Kolobetšo ya Moya wo Mokgethwa e be e le ya lebaka le lengwe.”

<sup>112</sup> Gomme ka gona o phetla godimo ka Beibeleng le go bala moo Petro a boletšego, ka Letšatši la Pentecost, ge bohole ba be ba hlabege ka pelong ya bona. Gomme ba rile go yena, “Banna le baena, re tla dira eng? Re ka dira eng gore re phološwe?”

<sup>113</sup> Bjale, ge go tšoena kereke go ka be go bile se a se boletšego, o be a tla re, “O swanetše go hwetša mme—mme mmele le—le go tšoena kereke.” Gabotse, le a bona, go be go le se sebjalo... go be go se selo se sebjalo mo letšatšing leo.

<sup>114</sup> Kafao o ba fa taelotšhomiso ya tlwa ya se e se tšeago. O ba boditše se ba swanetšego go se dira, le ka fao bokgole bjo e tla bago. O rile, “Sokologang, yo mongwe le yo mongwe wa lena, le kolobetšweng Leineng la Jesu Kriste bakeng sa tlošwa sebe, gomme le tla amogela neo ya Moya wo Mokgethwa. Ka gore tshepišo ye ke ya lena, le go bana ba lena, le go bona ba ba lego kgole, le ba bantši ba Morena Modimo wa rena a tlagoo go ba bitša.”

<sup>115</sup> Gona e bokgole bjo bokae? Jesu o rile, ka go Mareka 16, “Eyang lena ka lefaseng lohle gomme le rere Ebangedi go sebopiwa se sengwe le se sengwe. Maswao a a tla latela bona ba ba dumelago.” Le a bona? Bokgole bjo bokae? “Lefase lohle, go sebopiwa se sengwe le se sengwe,” Ebangedi ke yona. “Gomme maswao a a tla latela yo mongwe le yo mongwe yoo a dumelago: ka Leina la Ka ba tla lelekela bodiabolo ntle; ba bolela ka maleme a maswa; goba ba swara disephente goba ba nwa dilo tše di bolayago, di ka se ba gobatše; ba Bea diatla tša bona go balwetši, ba tla welwa ke maruru.”

<sup>116</sup> Bjale, le a bona, o swanetše go hwetša gomangkanna yela, selo se sengwe sela e lego sa nnete, seo se go amanyago le Kriste le Lentšu la Gagwe. Ee. Lentšu ke Kriste. Gomme o swanetše go ba le nnete gore o ka kgona go re “amene” go Lentšu leo, goba gomangkanna ya gago e fošagetše.

<sup>117</sup> O na le yona e agilwe godimo ga thutotumelo ye e itšego. O re, “Oo, ke dumela Kriste, eupša ga ke dumele Dilo tše. Ke—ke dumela Kriste, eupša ga ke dumele Se.” Gona gomangkanna ya gago e fošagetše. Gomangkanna ya gago e ka go thutotumelo ye e itšego, gomme e sego ka go Kriste, ka gore Kriste ke Lentšu.

Gape O bjalo ka naledi ya leboa, ke Yena, go motho yo a lahlegilego.

<sup>118</sup> Bjale, ke a tsoma lefase ka bophara. Gomme ke bile ka—ka lešokeng. Gomme dinako tše dingwe, ye nngwe ya tše kaonekaone kudu... Ge o ka kgona go lebelela godimo gomme wa tseba lefelo la naledi ya leboa, o go hlahlela ntle. Gomme mo—mo—mo monna ka lewatleng, gomme ge a—a timetše, ge a ka kgona feela go hwetša naledi ya leboa, a ka kgona go lebanya yenamong nako yeo ka tsela ye a yago. Bjale, moo ke ge a lahlegile, o lebelela naledi ya leboa. Bjale, dinaledi tše dingwe di a šutha, eupša naledi yela ya leboa e dutše thwi bogareng bja lefase. Ga go kgathale mo lefase le retologago, naledi yela ya leboa e dula go swana. E šupa go leba leboa. Ke naledi e nnoši ya therešo, ke a kwešiša, ye re nago le yona, ke naledi yela ya leboa ka go botlalotlalo. Bjale, e—e go fa tlhahlo ya gago.

<sup>119</sup> Gomme seo ke se Kriste a lego go lena. Ge o nyaka go ya Legodimong, ge o nyaka go phološwa, ge o nyaka go tlatšwa ka Moya, ge o nyaka go swana le Kriste, Kriste ke Naledi ya gago ya Leboa. Ge o lahlegile, o se ke wa leka go tše thutotumelo. Yena ke Naledi ya gago ya Leboa. Ke Yena Tsela ya gago. Ke Yena Taetšo ya gago.

<sup>120</sup> Gona, ge o—ge o Mo tše bjalo ka Naledi ya Leboa ya gago, gona seo se bea ka go felela Moya wo Mokgethwa Khamphase ya gago. Amene. Moya wo Mokgethwa ke Khamphase ya gago, gomme Khamphase e tla šupa feela go Naledi ya Leboa. Gomme ge o na le kolobetšo ya Moya wo Mokgethwa, e ka kgona feela

go šupa go Kriste, gomme Kriste ke Lentšu. Yeo ke tsela ya go hwetša tsela ya gago go ya morago. Le a bona?

<sup>121</sup> O ka se kgone go lebelela godimo *mo* gomme wa re, “*Ye e a phadima. Naledi ye e phadima mo.*” Gomme ka morago ga lebakana e felotsoko gape. Le a bona? O swanetše go ya felotsoko mo e hlomilwego ka go felela.

<sup>122</sup> Bjale, Kriste a le Naledi ya Leboa, gomme Khamphase ka mehla e šupa ka tsela yeo. Gomme ge ka kgonthe o phološitšwe, ka kgonthe, tsela e nnoši o ka phološwago ke ka Kriste. Gomme Moya wo Mokgethwa, ka go ba Khamphase ya gago, o tla go hlahlela thwi go otlologa go Lentšu. Le bona se ke se rago? Bjale, seo se a makatša! Gomme Lentšu le Kriste ke Batee. Bobedi bja bona ba a swana, go swana seng. “Mathomong,” Mokgethwa Johane 1, “go be go le Lentšu, Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.” Ge A le Naledi ya Leboa ya gago, gona O ba Gomangkanna ya gago.

<sup>123</sup> Ye tsela ye telele go ya go dikologa, se ke nyakago go se bolela. Eupša le tla e kwešiša, mohlomongwe, se ke lekago go se hwetša.

<sup>124</sup> Fao go swanetše go ba gomangkanna ka bophelong bja gago. O swanetše go ba le yona felotsoko, gomme yo mongwe le yo mongwe wa lena o na le ye tee. O ka se ye pele ntle le e tee. O swanetše go ba le gomangkanna.

<sup>125</sup> Go bile le nako yeo ge mo—mo mosadi, lentšu la gagwe—la gagwe ka mekgwa ya tafola, yeo e bile gomangkanna ka Amerika. Ke nagana leina la gagwe e be e le Emily Post, ge ke sa foše. Gomme eng kapa eng a e boletšego ka mekgwa ya tafola, ge a rile o swanetše go ja ka la gago... wa ja dierekisi tša gago ka—ka thipa, yeo, yeo e bile—yeo e bile yona. Yeo e bile yona. Gomme gobaneng? Gomme ge a boletše go ja kgogo, o nno e topa ka—ka diatleng tša gago le go e ja, ga go kgathale ka fao e ka ba mang a go lebeletšego, o be o le tlwa ka mothalong, le a bona, gobane yeo e be e le gomangkanna. O be a le gomangkanna wa mekgwa ya tafola. Yeo ke nnate. E ka ba eng mosadi yola a e boletšego, seo e be e le sona.

<sup>126</sup> Go bile le nako ge, Jeremane, ge Adolf Hitler a bile gomangkanna ka Jeremane. Ga go kgathale se e ka ba mang a se boletšego, Hitler o be a le lentšu la mafelelo. Se Hitler a se boletšego, se be se swanetše go dirwa. Yeo e be e le tsela ya gagwe ya go se dira. Gomme ga go kgathale ke ba bakae ba ka moka ga bona ba nagannego e ka ba eng ka yona, Hitler o be a le lentšu la mafelelo. O be a le gomangkanna.

Go bile nako ge Mussolini a be a le gomangkanna ya Roma.

<sup>127</sup> Go bile nako ge Farao a be a le gomangkanna ya Egepeta. E ka ba eng Farao a e boletšego, e be e swanetše go dirwa.

<sup>128</sup> Eupša, le a bona, bohole bao e be e le mohuta wa go fošagala wa bogomangkanna ba nnete. Ba šitilwe, yo mongwe le yo mongwe wa bona. Go emeng ka Egepeta, e se kgale botelele, ke be ke nagana ka nako yeo boFarao ba dutšego godimo ga diterone tša bona. Gomme, le a tseba, le swanetše go epa fase dikgato tše masomepedi ka mobung go hwetša moo diterone tša bona di bego di le gona. Le a bona? Oo, a gomangkanna ye e bego e tla ba yona! E senyegile le go tloga. Gomme batho ba ba neetšego godimo ga mohuta woo wa gomangkanna, ba senyega le yona, le go ya pele. Gobaneng? E be e le madirwakemotho, gomme e ka ba eng e lego madirwakemotho e tla senyega le motho.

<sup>129</sup> Eupša fao go gomangkanna ye e ka se kgonego go senyega. Leo ke Lentšu la Gosafelego la Modimo. Le ka se tsoge la senyega. Le swanetše go dula le Lona.

<sup>130</sup> Bjale, bjale, re a lemoga gore—gore re na le gomangkanna mo. Re ya ntle mo le go ba le tsheko. Gomme o tsena bothateng ntle fa, gomme o ne tsheko fa ka toropongkgolo. Ba ka kgona go e tsea go kgabola dikgorotsheko tše dingwe, le go ya pele. Mafelelong e ka no tla go Kgorotsheko ya Godimo. Eupša sephetho sa Kgorotsheko ya Godimo ke gomangkanna. Bjoo ke bofelo bja tsheko. Bjoo ke bokgole bjhole o ka yago. Yeo ke kgorotsheko ya mafelelo, ke Kgorotsheko ya Godimo, gomme yeo ke gomangkanna.

<sup>131</sup> Bjale, dinako tše dingwe ga re dumelane le bona, gomme—gomme, goba ga re rate diphetho tša bona. Eupša, go no swana, ke gomangkanna, gobane setšhaba se tlemeletšwe go yona, le a bona, se Kgorotsheko ya Godimo e se bolelago. Ga go kgathale ge eba ke rile ba phošo; seo ga se e dire phošo. Ka setšhabeng se, ba a rereša. E ka ba eng sephetho sa bona se lego, ke nnete. Gomangkanna, re swanetše go ba le yona. Ge go e be e se gona, felotsoko, tsheko e be e ka se tsoge ya fela. Eupša go swanetše go ba felotsoko moo tsheko yela e kopanago le bofelo bja yona, gomme bjoo ke ka go Kgorotsheko ya Godimo. Yo mongwe le yo mongwe o tseba seo. Go fedile ge e eya go kgabola Kgorotsheko ya Godimo. Ba dira sephetho, seo se a e ruma. Yeo ke phetho. Ga go felo gape o ka yago gobane yeo ke kgorotsheko ya bona ya godimodimo. Fao go... Swonetše go ba le gomangkanna, go swanela go ba le gomangkanna ka kgorontsheko.

<sup>132</sup> Re swanetše go ba le gomangkanna go papadi ya kgwele. A le be le tseba seo? Papadi ya kgwele e ka se kgone go šoma gabotse ntle le gomangkanna, gomme yoo ke malokwane. Bjale, nako ye nngwe ga—ga re rate diphetho tša gagwe, eupša ke—ke—ke gomangkanna. Ke gomangkanna, go le bjalo. Ge... Ga go kgathale, ge re nyaka go bolela, gomme ba bangwe ba bolela, gore—gore e be e le nno, goba e be e le polo; gomme o re ke nno, ke seo e lego sona. Le se ngangišane le yena. O fale. Ke gomangkanna ka go papadi yela ya kgwele. Gobane, ge a rile, “Ratha,” o ka kgona go nganga, o ka kgona go lahla kefa ya

gago ntle kua, le go e gwabela, eupša ke nno, go le bjalo. Amene. Bjale a re naganeng feelsa motsotso. Go ka reng ge go be go se malokwane ka go papadi? Ke mohuta ofe wa tshele e tla bago? Yohle e tla ba tlhakahlakano. O—o ka se bapale papadi ntle le go ba le gomangkanna ka go yona. Dipapadi di swanetše go ba le gomangkanna.

<sup>133</sup> Gomme ge dipapadi di swanetše go ba le gomangkanna, go reng ka bophelo? Bo swanetše go ba le lefelo la bokhutšo. Gomme yo mongwe le yo mongwe yo a hwago mo, morago ga sekgalela se, o na le gomangkanna ya gago felotsoko, konokono ya gago, leo ke lentšu la mafelelo.

<sup>134</sup> Hlokamelang, fao go tla ba dikgogakgogano le se sengwe le se sengwe ka go papadi ye ya kgwele. Yohle e tla felela ka tlhakahlakanong.

<sup>135</sup> Le a tseba, lebone le lehubedu ke gomangkanna go sephethepheth. Eupša go ka reng ge lebone le lehubedu le sa šome? Go ka reng ge lebone le lehubedu le le timile ge le fihla kua? Yo motee o re, “Ke—ke—ke fihlile mo pele.” Yo mongwe o re, “Ke itlhaganetše go ya mošomong.” Bolela ka pitlagano ya sephethepheth!

<sup>136</sup> Seo ke ka ga se se nago le taba ka dikereke tša rena le dilo. Ke go pitlagano e bjalo! Lebone le lehubedu le swanetše go be le timile, felotsoko.

<sup>137</sup> Oo, dikgogakgogano le go nganga, gobaneng, le ka se tsoge la e fetša. Fao go swanetše go ba selo se sengwe fao, go re, “Wena sepela, gomme *wena* leta,” le go ya pele, goba re tla be bohle re hlakahlakane.

<sup>138</sup> Gabotse, bjale, ka go ditumelo tša rena, ka go dikerekemaina tša rena tše makgolotshela le metšo tša go fapania. Ya. Ke nagana gore ke makgolosenyane bjale, a—a mekgatlo ya go fapania. Go swanetše go ba gomangkanna felotsoko. Ge Katoliki e rereša, Protestant e fošagetše. Ge Methodist e rereša, Baptist e fošagetše. Ge Pentecost e rereša, gona ka moka ga bona ba phošo. Gomme—gomme go swanetše go ba se sengwe felotsoko. Gomme o ya go e thekga bjang, ge o sa tše Gomangkanna ya Modimo? Yoo ke Kriste.

<sup>139</sup> Gomme Jesu o rile, ka go Johane 14:12, “Yo a dumelago go Nna, mediro ye Ke e dirago o tla e dira le yena.” Ke ntlha ya gomangkanna gore Kriste o tshepišitše seo. Leo ke Lentšu la Gagwe. Re swanetše go dumela seo. O rile, “O . . .”

<sup>140</sup> Ka go Mokgethwa Johane, tema ya 5, temana ya 24, “Yo a kwago Mantšu a Ka, Mantšu a Ka, gomme a dumela go Yena yoo a Nthomilego o ne Bophelo bjo bosafelego, gomme a ka se tle Kahlolong, eupša o fetile go tloga lehung go ya Bophelong.” Yeo ke gomangkanna. Yeo ke yona. Bjale, e sego yo a itirago go dumela, eupša, “Yo a dumelago.” Le a bona?

<sup>141</sup> Bjale, re swanetše go ba le gomangkanna, gomme Yena ke Gomangkanna yela. Gomme Yena le Lentšu la Gagwe ba a swana. Re ka se kgone go ba aroganya. Ee.

<sup>142</sup> Ge lebone le lehubedu le be le le ka ntle, re be re tla ba le go ema ga sephethephethe, oo, nna, le letee le lebe, gape. Fao go swanetše go ba gomangkanna.

<sup>143</sup> Gomme kafao, le a tseba, go fihlile bjalo lehono, go le bjalo, bothata bja ntshe ke, ke seo se tsenego ka go pitlagano ye kgolo ye ya sephethephethe re tsenago ka go yona. Ke mohuta wa tsela ye mpe go e hlagiša, eupša efela le tseba se ke lekago go se bolela.

<sup>144</sup> Hlokamelang. Lebaka le re tsenego ka kua ke ka baka la gore yo mongwe le yo mongwe yo motee wa rena o dira gomangkanna ya rena beng. Le a bona? Re na le gomangkanna ya rena beng. Kereke ye nngwe le ye nngwe e na le gomangkanna ya yona. Sehlopha se sengwe le se sengwe se na le gomangkanna ya sona mong. Gomme ba re, yo mongwe le yo mongwe wa bona, o rile, “Re Therešo, tsela. Re na le Yona yohle. Ga o na le selo go dira le Lona. O ka bonnyaneng. Rena, re sehlopha se segologolo.” Gomme batho ba dira seo. Seo ke . . . Ga la swanelo go dira seo.

<sup>145</sup> Go fihla, go nyakile go swana le ge go bile, matšatšing a Baahlodi, moo, “mothro yo mongwe le yo mongwe o dira mahlong a gagwe mong se se lokilego.” Le a bona? O nagana, mo pele ga gagwe mong, o a dira. Eupsa, bona, o ka se kgone go dira seo. Go na le ditsela tše dintši kudu tša go fapano. Le a bona? Gomme ka kgonthe go ne Tsela e tee feela, gomme Kriste ke Tsela yeo. Gomme Kriste le Lentšu la Gagwe ke selo sa go swana. Bjale, le a bona, o swanetše go ba le Sengwe seo re ka tlagoo go sona le go re, “Ye ke Yona,” gomme E ka kgona go netefatšwa gore Ke yona, seo ke se E lego sona, le a bona, Yena.

<sup>146</sup> Ka matšatšing a baahlodi, lebaka le monna yo mongwe le yo mongwe a dirilego ka mahlong a gagwe mong se a bego a gopola gore se be se lokile, ke ka gobane, ka go ona matšatši, “Lentšu la Modimo le be le hlokwa. Ga se ba be le Lona.” Gomme, baprofeta, go be go se motho. Go be go se baprofeta ka go wona matšatši, go ema go Lentšu le go šupetša Israele. Kafao, Lentšu le be le sa tle, kafao motho yo mongwe le yo mongwe o dirile se se bego se lokile mahlong a gagwe mong.

<sup>147</sup> Gomme ke ka ga moo re fihlilego gape lehono, baena. Le a bona? Mothro yo mongwe le yo mongwe mahlong a gagwe mong, o re, “Gabotse, bjale, ge ke nyaka go tše molao wa gauta! Ge ke nyaka go dira *se*, goba bodumedi bjo bongwe! Ke—ke—ke a dumela, bodumedi bja ka, ke go dira *bjalo le bjalo*.” Gomme o—o hwetša seo. Yo mongwe le yo mongwe o hwetša seo.

<sup>148</sup> Ba nagana, “Gabotse, ke—ke ya sekolong sa Lamorena ka Lamorena mosong. Ke lokile bjalo ka e ka ba mang gape.” Gabotse, seo, seo se lokile. O ka no fele o sa kgona go ya, go ya sekolong sa Lamorena gomme—gomme wa loka, seo se

lokile. Eupša ge o se ne se sengwe bontši gannyane go feta go ya sekolong sa Lamorena!

<sup>149</sup> Yo mongwe o rile, “Ke boloka melao ye lesome.” Yo motee o boloka letšatši la sabatha. Yo mongwe o dira se sengwe gape. Gomme, go fihla, re no ba le lefelo go fihla yo mongwe le yo mongwe a nagana, gabotse, ba no dira se ba naganago se lokile. Eupša seo ga se e dire gabotse. E sego ka ditsela tše telele, ga e dire. Re ya go hwetša seo mo metsotsong e se mekae, le a bona, gore ga e e dire ya maleba.

Modimo o na le tsela.

<sup>150</sup> Beibele e rile, “Go na le tsela ye e bonalago e lokile go motho, eupša bofelo bja yona ke tsela ya lehu.” Gomme ga go yo a nyakago go hwa. Yeo ke karogano. Ga re nyake go arogana le Modimo. Gomme ga re nyake . . .

<sup>151</sup> Re nyaka go phela. Bophelo ke lehumo le legologolo leo—leo motho a ka bago le lona. Gomme bjale re swanetše go hwetša se e lego Bophelo. Gomme O rile, “Lentšu la Ka ke Bophelo.” Bjoo ke Bophelo bjo o swanetšego go ba nabjo, Lentšu le phela ka go wena.

<sup>152</sup> Bjale šetšang. Ke bone se ka go tshokologo ya ka ya pele, ge ke be ke sa no ba mošemane. Ke bone seo. Gomme ke tsebile gore ke be ke hloka gomangkanna. Kafao ke badile Lentšu la Modimo, gomme ke bone gore Lentšu le e be e le Kriste. Gomme ke—ke be ke nyaka Leo go ba Gomangkanna ya ka. Ka fao ke Mo tšere Lentšung la Gagwe. Gomme ke Mo kwele a re, ka Fale, “Ge le dula ka go Nna, gomme Mantšu a Ka a dula ka go lena, le ka kgopela se le se ratago gomme le tla se fiwa.” Bjale, a tshepišo!

<sup>153</sup> Bjale, re kae lehono, baena? Re kae? “Ge le dula ka go Nna, gomme Mantšu a Ka ka go lena, gona le ka kgopela se le se ratago gomme le tla se direlwa.” Bjale, Leo, leo ke Lentšu la Kriste Mong. Eupša, eng? Lentšu le swanetše go dula ka go lena. “Ge le dula ka go Nna, ka go Kriste, le Lentšu la Ka ka go lena.” Gona, re tsena bjang ka go Kriste? Ka kolobetšo ya Moya wo Mokgethwa. Gona, yeo ke karolo e tee. Eupša, gona, “Ge le dula ka go Nna, gomme gona Mantšu a Ka a dula ka go lena, gona le ka kgopela se le se ratago.” Eupša o swanetše go ba le bobedi, Kriste le Lentšu. Gomme ka kgonthe o ka se be le yo Motee ntle le yo Mongwe, yeo ke nnete, gobane Ke selo sa go swana Mong.

<sup>154</sup> O ka se kgone go ba le Tate ntle le go ba le Morwa. O ka se kgone go ba le Morwa ntle le go ba le Moya wo Mokgethwa. Ke Moya wa go swana Wonamong.

<sup>155</sup> Kafao, gona, le a bona, o—o ka se—o ka se kgone go e dira ka tsela efe ye nngwe go feta go tše Gomangkanna ye e filwego ke Modimo bakeng sa maphelo a rena. Bjale ke tlemeletšwe go Yena, ka Lentšu la Gagwe. Ke Yena Gomangkanna ya ka. Gomme ke hweditše gore ke ye kgolo le ye bohlokwa go—go phela ka Yena.

<sup>156</sup> Bjale, dikereke tše ntši...E no ntira ke bolele ka gomangkanna. Go kereke ya Katoliki, mopapa ke gomangkanna ya bona. Gomme ga go kgathale se se tlago, se se yago, se yo mongwe gape a se bolelago, se Beibebe e se bolelago, seo ga se re selo.

<sup>157</sup> Ke bile le poledišano e se kgale botelele le moprista. O tlide godimo go mpotšiša mabapi le...Ke kolobeditše mosetsana yo moswa. Gomme o be a nyetšwe ke mošimane wa Mokatoliki, a retologela Mokatoliki. Gomme a mpotšiša ka fao ka go mo kolobetša, gomme ka mmotša. Gomme re swanetše go bolela ka yona. Gomme o rile, “O a tseba, kereke ya katoliki e be e kolobetša ka go karabetša, ka mokgwa woo.”

Ke rile, “Neng?”

Gomme o rile, “Morago ka nakong ya Beibebe.”

<sup>158</sup> Ke rile, “A o ra go bolela gore o dumela gore Bakriste ba pele, boka Petro, Jakobo, le Johane, le bona, e be e le makatoliki?”

O rile, “Ba be ba le.”

<sup>159</sup> Ka re, “Gona ke nna mokatoliki kudu go feta ka fao o lego.” Ka re, “Ke nna mokatoliki wa fešene ya kgale, o a bona, e sego yo motese yo—yo a tšeago mosepelo wo moswa wo wa selo se ba se dirago lehono, le go se bitša bodumedi.”

<sup>160</sup> “Gabotse,” o rile, “o a bona, Modimo o file maatla a Gagwe go Petro, gomme—gomme yeo ke kereke. Gomme mo...Modimo o ka kerekeng ya Gagwe.”

<sup>161</sup> Ke rile, “Ga go Lengwalo ka Beibeleng, go bolela seo. Ga go tshepišo yeo e e bolelago. Beibebe e rile, ‘Modimo o ka go Lentšu.’ Nnete.

<sup>162</sup> Modimo o ka go Lentšu. Lentšu ke therešo. Gomme ke bone fale ka Beibeleng moo Le boletšego, gore, “Mang kapa mang a ka oketšago lentšu le tee go Lona, goba a tšeа Lentšu le tee go tšwa go Lona, yena go tla tšewa, karolo ya gagwe, go tšwa Pukung ya Bophelo.” Bjale, ke tsebile gore e be e le Gomangkanna, gore Lentšu lela le ka se kgone go fetoga, kafao ke amogetše Leo. Ke rile, “Bjale, Morena, a nke ke Le fihle ka pelong ya ka, gore ke tla Le boloka le go ba tlhomphokgolo le Lona. Gomme eng kapa eng Le lego yona, ke tla sepela, gomme Wena ntlhahle.” Gomme Le bile Gomangkanna ya ka.

<sup>163</sup> Bjale, go kereke ya Maprotesetant, nako ye ntši, ka go sediko, lentšu la pišopo, le ge le le kgahlanong le Lentšu la Modimo, le ba gomangkanna go sehlopha selo sa Bakriste. Ga go kgathale se Lentšu le se bolelago, ge pišopo a bolela *bjalo*, seo se a e ruma, mopišopomogolo wa Canterbury. Ga go kgathale eng, ba—ba batho ba Maisimane ba ba yago kerekeng ye ya Anglican, ga go kgathale se ba ka se naganago, ge mopišopomogolo a bolela selo se se *itšego*, seo ke sona.

“Aa,” o re, “seo se befile kudu.”

<sup>164</sup> Eupša, le a tseba, bjale, emang motsotso. Re ka kgona go tla thwi tlase gae go Pentecost ge le ka rata. Ka kgonthe le ka kgona. Eupša ke—ke no holofela le tla betha mathoko le go bona se ke se rago. Le a bona?

<sup>165</sup> O re, “Ngwanešu šo o tladišwe ka Moya wo Mokgethwa, gomme, yena, Morena o sepela le yena.”

<sup>166</sup> “Gabotse, eyang le botšiše mopotologi ge re ka kgona, pele, ge re ka kgona go ba le yena. O rwele mohuta mang wa karata?” Le a bona, yeo ke gomangkanna nako yeo go kereke yela. Yeo ke nnete. Re ka no re “amene” ka Makatoliki le ka ma—ma—ma Presbyterian, le go ya pele, eupša go reng ka—ka yona ge e etla gae? Le a bona? Re na le . . . re na le gomangkanna ya maaka.

<sup>167</sup> Fao ga go selo sa godingwana ka Beibeleng, ka kerekeng, go feta mogolo wa kereke yeo. Ke kereke ya go ikema, gomme Moya wo Mokgethwa o šoma ka tsela efe kapa efe A nyakago. O dula magareng ga batho ba Gagwe.

<sup>168</sup> Eupša re na le gomangkanna ye nngwe, mookamedipharephare tsoko felotsoko, o re botša se re ka kgonago go se dira. Gomme ge e sa no kgonana le se ba se naganago, goba se sengwe boka seo, gona, “Seo se tšwele. Seo ga se sa Modimo.” Oo, nna! A selo sa go befa e lego sona! A go nyokanyoka re tsenego ka go gona! Ga go makatse re ntłe mo re llela tsošeletšo. Gomme lefaufau le tletše ka maatla a Pentecostal, gomme ga re kgone go fihla go wona. Yeo ke nnete. Ke ka gobane re ganne Gomangkanna ya Modimo. Nnete.

<sup>169</sup> Kutollo ya Kriste, “Godimo ga leswika le Ke tla aga Kereke ya Ka, gomme dikgoro tša hele di ka se kgone go fenya kgahlanong le Yona.” Ke Gomangkanna. Gomme Lentšu la Modimo ke Gomangkanna ya Gagwe. “Nama le madi ga se tša utolla se go wena, eupša Tate wa Ka yo a lego Legodimong o utollotše se go wena. Gomme godimo ga leswika le Ke tla aga Kereke ya Ka.” Le a bona? Gomangkanna ya kgonthe!

<sup>170</sup> Eupša, le a bona, re tšea se sengwe gape go ba gomangkanna. Ge kerekelineya ya rena e bolela kgahlanong le Lentšu, gona o tšea lentšu la kerekelineya bakeng sa lona. Ga se o swanele go e dira. Ke leka go itira nnamong go hlaka, go diphenyego tša ka. Gomme nna ke . . . Go tswaleleng ga kopano ye, ke leka go le botša lebaka la gore ke diragaditše le go bolela dilo tše ke di dirilego, ka baka la gore kgale ke tšere Kriste go ba Gomangkanna ya ka.

<sup>171</sup> Kereke ya mathomo ke e tšoennego e be e le kereke ya Baptist, gomme ke rata baena bale. Ba be ba le kaone. Eupša, ge go etla lefelong mo ke bego ke swanetše go dira se sengwe se bego se le kgahlanong le Lengwalo le, Lentšu la Modimo le bile pele, gobane ke be ke tlemeletšwe go Lentšu lela. Nnete. Ga go selo kgahlanong . . . Ge Ngk. Davis a etla go nna gomme a nnyaka ke dire selo se se itšego fao seo ka go felela e bego e se sa mangwalo,

gomme ke e tšeetše go yena, o rile, “Leo e be e le la lebaka le lengwe, e sego la le.”

<sup>172</sup> Ke rile, “Ke tlemeletšwe go Lentšu. ‘A nke lentšu la motho yo mongwe le yo mongwe e be maaka, gomme la Ka e be Therešo.’”

<sup>173</sup> Yeo e be e le Gomangkanna ya ka. Gomme go tloga . . . Yeo e bile mengwaga ye masometharo ya go feta, goba bokaonana, gomme ke sa le ka go Lentšu leo la go swana. Gomme fao ke nyaka go phela le go hwa, Leo go ba Gomangkanna ya ka. Godimo ga seemo seo ke amogela Kriste.

<sup>174</sup> Gomme bjale, ga se ka gobane ke gore o nyaka go fapania. E sego gobane . . . Gobane, beke ye, ke boletše dilo tše dingwe tša go tsetsemetša. Gomme ge ke dirile seo go no fapania, gona ke hloka go ya go Gomangkanna, Ke . . . [Lefelo la go se be le selo godimo ga theipi—Mor.] Ke—ke hloka tsho—tsho tshokologo aletareng. Eupša le ka mpitša bjang go sokologa, gomme ke le boditše Therešo? Yeo ke nnete. Gomme Modimo o e thekgile godimo le go laetsa e be e le Therešo, ka Lentšu, gomme Lentšu le a phela. Le a bona? Yeo ke therešo tlwa.

<sup>175</sup> Bjale, ke ka lebaka leo ke boletšego, le go dira dilo tše di dirago. E ka no ba kgahlanong le mekgatlo ya rena ya go fapania le ditshepedišo. Ga se ka gobane ke nyaka go tšea mahlakori le yo motee, goba go tšea mahlakore le yo mongwe. Ka gobane, ke rekišitše ntle go selo se tee.

<sup>176</sup> Ge ke phološwa, goba Kriste a thoma go šoma ka pelong ya ka, ke ile tlase go kereke ya Katoliki, gobane batho ba gešo, Mairish le Katoliki. Gomme ke lemogile ka tsela ye a boletšego seo; ga se e kwagale gabotse. Gomme ke tla ya go tloga lefelong go ya lefelong. Gomme mafelelong, o rile, “Modimo o ka kerekeng ya Gagwe.”

<sup>177</sup> Gabotse, ge Modimo a le ka kerekeng ya Gagwe, ke kereke efe yeo? Fa go . . . Gabotse, ba re, “Ke—ke kereke ya rena.” Gabotse, ke efe ya dikereke tša Katoliki? Le a elelwa, ka moka di šwalalane, le tšona. Ee, mohlomphegi, ka moka go fapania. Ba bangwe ba a nyala, gomme ba bangwe ga ba dire, le ba bangwe Gerike, ba bangwe Orthodox, gomme, gabotse, go no ba mohuta wa go fapania, Moroma. Ba bangwe ba amogela mopapa, gomme ba bangwe ga ba dire. Le a bona, ba šwalalane, le bona. Ke efe ya dikereke tšela, gona, e lokilego? Ke kae o ka beago tumelo e ka ba efe? Ge o le Mokatoliki, gomme wa dumela kereke, gona ke kerekeng efe? Ke efe ya dikereke tša lena tša Katoliki e lego yona?

<sup>178</sup> Ge o le Moprottestant, o re, “Gabotse, gabotse, ke efe—ke efe ya tšona e reresago? Methodist, Baptist, Lutheran, Presbyterian, gabotse, ke efe e lokilego?”

<sup>179</sup> Modimo o a reresha. Lentšu la Gagwe le lokile. Ba bangwe ga se ba loka. Ge e le . . . Yeo ke nnete ge feela ba dula le Lentšu. Eupša ge o tlogela Lentšu, gona o tlogela Modimo. Gobane, Modimo o šeditše godimo ga Lentšu la Gagwe, go Le hlatsatša.

O swanetše go Le dira kgonthe. O swanetše go Le dira le dire. Ke ka baka leo lena batho le swarwego ke tlala bakeng sa tsošeletšo. Ke nako ya dilo tše go ba mo. Ge le kile la ntumela go tseba se ke bego ke bolela ka sona, le amogela seo. Iri e mo bjale.

<sup>180</sup> Eupša, bothata bja yona ke gore, re na le digomangkanna tše ntši kudu, ga re tsebe mo re tlemeletšwego gona. Amene.

<sup>181</sup> Bjale ke ikwela bodumedi. Le a bona? Nnete. Ke nyaka go ntšhetša seo ka ntle ga tshepedišo ya ka. Nnete.

<sup>182</sup> Re na le ditlemagano tše ntši kudu, *yo* motee a gogela ka tsela ye, gomme yo motee ka tsela *yela*, gomme yo motee kgahlanong le yo mongwe. Batho ba tseba bjang ba dire eng? Gomme kgatelelo ya Moya wo Mokgethwa e etla fase, e leka go hwetša lefelo go itšikinya ka Boyena ka go lona, gore A kgone go šoma, Lentšu ka Lentšu, Lentšu ka Lentšu.

<sup>183</sup> Bjale, lena batho ba Pentecostal le a dumela, ge dimpho di thoma go bušetšwa kerekeng, tša kolobetšo ya Moya wo Mokgethwa, le go bolela ka maleme, gomme le dutše thwi le seo. Le dumetše seo. Bjale, seo se lokile. Eupša gobaneng le ema fale? Le a bona? Gobaneng le eme fale?

<sup>184</sup> Ge Israele e be e le leetong go ya nageng ya tshepišo, gomme ge ba eme ka lešokeng, ba dutše fale lebaka la mengwaga ye masomenne; gomme feela leeto la letšatši go tšwa go tshepišo ye nngwe le ye nngwe, ka moka, naga ya tshepišo ya go felela.

<sup>185</sup> Gomme batho ba Pentecostal, ge ba kgabaganyeditše mošola, ba bina le go goelela boka Miriamo le bona, ge ba thutše lešoka, ba dirile selo sa go swana seo Moshe a se dirilego... goba aowa... Israele e dirile. Ba nyakile molao. Mogau o be o šetše o file se sengwe le se sengwe. Ba nyakile se sengwe gore ba kgone go ba le dingaka, le diPh.D, le diLL.D, gomme ba e hweditše. Gomme ba sepetsé kua go fihla yo mongwe le yo mongwe wa bona a ehwa. Nnete.

<sup>186</sup> Gomme Modimo o tšere banna ba babedi gomme o ba rometše godimo: Kalebe le Joshua. Gobaneng, ba be ba le feela e ka ba—feela e ka ba dimaele tše masomenne tša leeto, e be e le sohle ba swanetšego go se sepela. Gobaneng, ba be ba no ba letšatši goba a mabedi kgole go tloga go lona. Eupša ba letile morago fa mengwaga ye masomenne, go fihla ba hwetša dilo tšela tšohle go tšwa go bona, go fihla bona batho bohle ba ehwa.

<sup>187</sup> Gabotse, e no ba e ka ba nako bakeng sa phetogo bjale. Re—re thomile go kgatlofatša, go dira sona selo sa go swana seo re tšwilego go sona, le go se tlisa thwi morago, le go dira *ye* kota ya go tlemelela, le *ye* gomangkanna. “Gomme ge ba sa Le dumele feela tlwa ka tsela *ye*, šegofatšang Modimo, ebile ga ba ka go Lona le gatee.” Kafao le dirile eng? Dulang tuu gomme le dirile maloko.

<sup>188</sup> Gomme maloko a tseba eng? Boelang ka go Lentšu la Modimo, gomme ba bona se sengwe se direga, seo ke Lentšu la Modimo tlwa, gobaneng, ga ba tsebe ke tsela efe go retologela. Ba ya go botšiša pišopo yo mongwe goba mopotologi yo mongwe, “Ke eng se, gomme ke eng sela?”

<sup>189</sup> Gobaneng, go mpea ka monaganong wa sehlopha sa matsuana a sealamedi. Ka mehla ke kwela lentsuana la sealamedi bohloko. O, o tla “tswio, tswio,” gomme ga a ne mama go ya go yena. O be a ntsheditšwe ntle ke motšhene.

<sup>190</sup> Ke ka tsela yeo bontši bja bareri ba mo letšatšing le: ba retolotšwe ke motšhene wo mogolo. Go goeletša ka Modimo, gomme ga a tsebe ke eng ebile Selo se lego. [Ga go selo go theipi—Mor.]

<sup>191</sup> O be a le ka go felela. O be a tlemeletšwe go Modimo, gomme Modimo o be a le Lentšu, gomme Modimo o e netefaditše ka Yena. Le a bona? Eupša ke rena bao lehono. Le a bona? Re na le digomangkanna tše ntši kudu, gomme e sego gomangkanna ya maleba. Le a bona? Go ne Tsela e tee feela, gomme yeo ke Jesu. Jesu o rile, “Ke nna Tsela.” Gomme Jesu le Lentšu ke selo sa go swana.

<sup>192</sup> Gomme bjale Modimo o profetile mo matšatšing a a mafelelo, ka se se diregago. O tshepišitše dilo tše mo matšatšing a mafelelo. Jesu o ba tshepišitše, “Bjalo ka ge go bile ka matšatšing a Sodoma, go tla ba bjalo ka go tleng ga Morwa wa motho.” Mangwalo ohle ao A a tshepišitšego go matšatši a mafelelo, gomme re phela thwi ka go nako yeo. Gomme Modimo, Moya wo Mokgethwa, o sepela godimo ga batho.

<sup>193</sup> Gomme selo se nnoši o nyakago go se dira ke go bina ka Moya le go bolela ka maleme. Seo ke sohle o tsebago ka sona. Seo ke sohle, peu, e bjetšwe. Se re se hlokago ke Ebangedi ya go tlala e bjetšwego ka pelong ya go tlala, ka maatla a go tlala, go tliša gomangkanna ya go tlala. Bothata ke eng?

<sup>194</sup> A le kile la nagana se Israele e se dirilego ka lešokeng kua? Ba nyetše basadibagatša. Ba godišitše bana, le puno, go ya pele, ba atlile masea, le go boloka bahu, le go nyadiša baswa. Modimo o ba šegofaditše gomme ba atlegile, eupša ba be ba sa le ka ntle ga naga ya tshepišo.

<sup>195</sup> Gomme yeo ke tsela ye Pentecost e lego lehono. Mengwaga ye masomenne ya go feta, o be o ka se nagane o . . . Mmago le tatago ba ka be ba bile le tšašarakano ge ba ka be ba naganne o ka be o tsene ka go mohuta wo wa boemo. Ka kgonthé.

<sup>196</sup> Bona ba nako ya kgale ba be ba tlemilwe go Gomangkanna yela, gomme ba swareletše go Lentšu lela, go sa kgathale gore e be e le eng. Ga go kerekéléina, bapotologi, banna ba selete, goba dipišopo, ba yago go ba botša eng kapa eng ka yona. Ba sepetshe ka Moya, gomme ba ile ntle le go dira mehlolo le go dira dilo. Ba

be ba na le dikopano tša Azusa Street di eya mo gohle, dikopano tša mekgotha.

<sup>197</sup> Gomme, gabotse, ebole ga o kgone go hwetša banna khoneng ya mokgotha gape go paka. Oo! Le a bona? Re na le eng? Selo sa go swana Israele e bilego le sona.

<sup>198</sup> Bjale, fale go tsogile moisa fale mo nakong ya bofelo, le go thoma go šupa, ka morago ga mengwaga ye masomenne, “Go na le naga ka moka e tletše ditšhegofatšo godimo kua. Gomme ka moka . . .” Gobane, iri e be e fihlile, gore Modimo o be a eya go ba thopa.

<sup>199</sup> Iri e fihlile bjale, gore O nyaka go lokiša Kereke. Ke ya go bolela se ka segalontšu sa seprofeto, ke a tshepa. Ga ke e bolele Leineng la Morena, eupša ke a dumela ye ke therešo. Tlhatlogo, le tla be le bolela ka Tlhatlogo, ge Tlhatlogo e sepetše, nako ye telele. Ya. Le tla be le re, “Šegofatša Modimo, Tlhatlogo e a tla.” E šetše e fetile.

A Jesu ga a bolela ka Johane?

<sup>200</sup> “Gobaneng bamangwalo ba bolela gore Johane, pele? Goba, o boletše bjang gore Eliase o swanetše go tla?”

<sup>201</sup> O rile, “O šetše a tlie gomme ga se le e tsebe. Eupša le dirile feela tlwa se le rilego o tla se dira.”

<sup>202</sup> Letšatši le lengwe go tla tla kahlolo godimo ga lefase. Gomme selo sa pele le a tseba, le ya go hwetša batho mo ba lebeletše Tlhatlogo, gomme ba šetše ba ile nako ye telele ya go feta. Go tla ba ka bonnyane kudu. O rile, “Bjalo ka ge go bile ka matšatšing a Noage, go tla ba bjalo ka go tleng ga Morwa wa motho. Bjalo ka ge go bile ka matšatšing a Loto!”

<sup>203</sup> Re nagana sehlopha se segolo se sa maudi, molora wa athomo, se a ya. Se tla ya feela ge se na le Bophelo bja Kriste ka go sona, gobane Modimo o tla se tsoša. Yeo ke nnete.

<sup>204</sup> Go tla ba Tlhatlogo. Le a nagana, batho ba babedi goba ba bararo *mo*, gomme yo motee godimo *mo*. Gomme felotsoko gape, yo mongwe o tlie godimo a timela, ra gopola gore ba tšhabile gae. Bona, bokaone phafogang, ba ka be ba ile. Ba lebeletše Tlhatlogo, gomme e šetše e fetile. Bjale, seo ga se kgahlanong le Lentšu. Aowa, ga se yona. O tla bjalo ka lehodu bošego. Le a bona? Ba tla be ba sepetše pele le e tseba.

<sup>205</sup> Modimo o bea maatla a Gagwe—a Gagwe a magolo ntle ka Kerekeng, gomme ga go tšee sehlopha se segolo bogolo ka gare. Go tšea bonnyane. “Se boife, mohlape wo monnyane. Ke thato botse ya Tate . . .” Wena yo a swareletšego go Gomangkanna, yeo ke nnete, ka tiišetšo ya Modimo a šoma ka go yona.

<sup>206</sup> Kafao, le a bona, re phela ka go nako ya go šiiša, gomme seo ke se, kgatelelo yela e godimo ga kereke. Gabotse, o nyaka go bona se sengwe. O nyaka go bona se sengwe. Eupša, bjale, Modimo a ka kgona bjang go tsoge a šetša godimo ga Lentšu

la Gagwe, go Le hlatsetša, gomme motho ga a dumele Lentšu lela gomme a ka se Le amogele ka pelong ya bona? Letšatši le ka kgona bjang go phadima godimo ga peu le go e tliša bophelong, mola le se ne bophelo e ka ba bofe ka go lona? E swanetše go ba peu ye e medišitšwego. Ka fao, thutotumelo e medišwa go dira maloko a mantši.

<sup>207</sup> Eupša Lentšu le medišwa go dira bakgethwa, go dira badumedi. Yeo ke nnete. Modimo o šoma go diragatša Mantšu a Gagwe. O—O šetša godimo ga Lona, go Le hlatsela. Ee, mohlomphegi.

<sup>208</sup> Bjale, bjale, ka kgonthe, kereke ya Katoliki e tšeа sekgwaparetšo sa bona, naledi ya bona ya leboa, le bakeng sa diphihlelelo tša bona. Gomme ke se mopapa a se bolelago, ke go se palelwé go bofelo bja Roma bja kereke ya Katoliki. Maprotestant, pišopo, thutotumelo tsoko. “Seo se kgahlanong le thutotumelo ya rena.” Gomme ba bangwe ba bona ba kgahlanong le dilo tša go fapaná, ditumelo tša bona tša kerekeleina, le go ya pele.

<sup>209</sup> Le a tseba, ke ikwela boka Paulo a boletše fa. Ke lebeletše Lengwalo ka go Ditiro 20:24. O rile, “Ga go le setee sa dilo tše se ntšhikinyago.” Amene. Gobaneng? Ka gore o be a kgwapareditše. O bile le gomangkanna. “Ge e sa le ke kopana le Yena, mo tseleng go ya Damaseko,” ge nka kgona go bolela le Paulo, “O ile a retologa go dikologa, a nthoma morago ka go tsela ya maleba. Ke be ke tlogile Lentšung. O ile a mpea morago godimo ga Lentšu.” Ee, mohlomphegi.

<sup>210</sup> Theetšang. Ke ikwela ka tsela yeo, le nna. Ke ikwela gore motho mang kapa mang yo a tswetšwego ke Moya wa Modimo, yo a ratago Modimo gomme a rata Lentšu la Gagwe, Modimo o na le morero ka go yoo. Modimo o bile le morero ka go retolla Paulo go dikologa. A Yena ga se a re, “Ke ya go laetša ka yena” letago la Gagwe?

<sup>211</sup> Modimo o bile le morero ge A mphološitše. Ke ikemišeditše go dira thato ya Gagwe, “E sego go oketša go Lona goba go tloša go Lona.” Kutollo 22:19 e rile, “Mang kapa mang a tla e dirago, o tla ba karolo ya gagwe e tšerwe go tloga Pukung ya Bophelo.”

<sup>212</sup> Ke ikemišeditše go se tsoge ka oketša selo se tee ka kgopolo ya ka mong go Lentšu lela. Ke ikemišeditše go Le bala feela ka tsela ye Le lego, le—le go kgopela Modimo gore ke tla bula ka pelong ya ka le go Le amogela. “Le šome ka nna, Morena, gore ba bangwe ba ke ba bone. A nke Le be letsawai le se sengwe sa kgonthe, gore ba bangwe ba ke ba bone.” Ee, mohlomphegi.

<sup>213</sup> Bjale, ge A le Gomangkanna ya rena, fao go ka se kgone go ba gomangkanna ye nngwe. O ka se kgone go ba, wa re, “Gabotse, kereke ya ka—ya ka ke gomangkanna ya ka. Thutotumelo ya ka ke gomangkanna ya ka.” Ge Kriste e le Gomangkanna ya gago, o dumela Lentšu la Kriste. Ga go tsela ye nngwe go e dira.

<sup>214</sup> Le a tseba, ke nagana ka nako ye A mphološitšego. Ke tla le botša gobaneng ke ema ka tsela ye ke dirago; e sego go fapania. Ke itirile ka bonna go kwagala go seo; ke a holofela ke dirile. Eupša ke... Ge Kriste a mphološitše, fao go be go le dimilione tša batho ba phopholetšago ka sebeng. Ge A be a mphološa, O be a na le morero ka go e direng. O be a na le morero ka go mphološa. O nno bona sephantha boka nna, le—le, ka mokgwa wo mongwe goba wo mongwe, ge go be go le banna ba bantši ba ditswerere, banna ba go kgona kudu, banna ba ba bego ba ka kgona go e dira. Nna mo, ebile go se thuto ya kreiti ya bošupa, ge go be go le banna ba ba badilego ka sekolong le go hwetšaigrata, le dingaka tša—tša bokgethwa le filosofi, le go ya pele. Eupša ge Kriste a mphološitše, O bile le morero ka go e direng, goba nkabe A se a ke a mphološa.

<sup>215</sup> Theetšang, baena. Ke a le rata, gomme le tseba seo. Eupša ke ikemišeditše ka pelong ya ka gore nka se tloge morago go Lentšu lela. Ke tla dula fao thwi. Yeo ke Gomangkanna ya ka, ke be ke tlemeletšwe go yona, mengwaga ye yohle. Bjale, O be a ne morero ka go e direng. Yeo ke nnete. Gomme ke nepile go bona morero woo go kgabola, go dula le Lentšu lela; e sego go fapania, e sego go ba ngame, eupša go botega le go hlokofala le Modimo. Yeo ke nnete.

<sup>216</sup> Bjale, le a tseba, lehu la Kriste le bile le gomangkanna go lona. Yo mongwe le yo mongwe o be a boifa lehu, ebile le moprofeta yo mogolo Jobo. Bontši bja batho ba be ba boifa lehu, poifo. Gomme banna ka mehla ba be ba le boifa. Eupša ge Kriste a etla le go tšea lehu godimo ga Gagwe, O bile Gomangkanna go bao ba boifilego lehu. Ka go Bahebere 2:14-15, “O tšere lebopo la motho,” go hwa boka motho, go lefa kotlo. Eupša, ka Paseka, O tlie pele ka dikgonyo tša lehu le hele. O le fentše. O tlie, O rile, “Se boife. Ke nna Yo a bego a hwile, gomme ke a phela go ya go ile.”

<sup>217</sup> Gomme Gomangkanna ya rena e godimo ga Gagwe, yeo ke nnete, ka go Yena. Gomme O be a le Lentšu la Modimo la go phethagala. O be a phethagetše kudu go fihla, ge A boletše Lentšu la Gagwe, le hlotše. Le emišitše diphefo. Le—le dirile dipisikiti, le hlapi ya go apewa, feela ka Lentšu la Gagwe. Le a bona? Go be go se sešitiši. O be a phethagetše kudu. O rile Lentšu le Yena ba be ba le Batee.

<sup>218</sup> O be a le lerato la Modimo, ka go Johane 3:16. O tšweleditše mmele, o sego wa tswalwa ka thobalano, ka tlase ga go wa. Eupša o tswetšwe ka maatla a go hlola a Modimo, gore Modimo ka Boyena o phetše ka mmeleng wo gomme a tšweletša Lentšu la Gagwe ntle. “Gomme Modimo o be a le ka go Kriste a boelanya lefase go Yenamong,” a dira gomangkanna go modumedi e ka ba mang. Gomme O ile lebitleng la Gagwe, le morwalo wa sebe godimo ga Gagwe, le go lefa kotlo. Gomme a tsoga ka moso wa

Paseka, le dikgonyo tša lehu le hele. Ke gomangkanna go monna e ka ba mang yo a boifago lehu.

<sup>219</sup> A nke ke bolele se. Ga ke tsebe ke Melaetša ye mekae gape ke swanetšego go e rera pele ke eya. Eupša ge o le modumedi wa kgonthe ka go Modimo, gomme o tswetšwe gape, o se ke wa tšhoga lehu. Ke selo se sekaonekaone se ka kgonago go direga go wena, gabotse. Paulo o rile, “Go nna go phela ke Kriste, gomme go hwa ke leruo.” Ka kgonthe. Ke... Le se tsoge la boifa lehu. Bathesalonika ba Bobedi, “Re ubulelwā godimo le baratwa ba rena, go kopana le Yena sebakabakeng.” A tshepišo! A gomangkanna ye e lego yona, go dumela ka go Kriste, go ba le pelo ya ka e re “amene” go Lentšu le lengwe le lengwe ka Pukung ya Gagwe!

<sup>220</sup> Se A se bolelago, ke a Se dumela, le nna. Gore ke a tseba, gore Moya wo Mokgethwa ke Khamphase ya ka, gobane O ntihahlela go Gomangkanna ya Gagwe, le a bona, Naledi ya Gagwe ya Leboa; go Yena, Naledi ya Leboa. Ke Yena Gomangkanna ya ka, Letšatši la ka, Kota ya ka, Naledi ya ka ya Leboa. Oo, nna!

<sup>221</sup> O fapano kudu le ba bangwe ke ba bonago, ka mehla go na le se sengwe se gogago, lenti le lengwe o swanetšego go le goga. Eupša, ka go Se mo, ga o goge selo. Selo se nnoši, se tlišwa fase godimo ga gago. Ke Gomangkanna. Kriste ke Gomangkanna ya rena.

<sup>222</sup> Lebelelang ke phapano ye kae Lentšu la Gagwe le lego. Lentšu lela le be le go tloga kgale. Testamente ye Mpsha le ya Kgale di dira mawelakgahlano seng sa tšona, boka karowlana ya poto e etla mmogo. Ga go na selo se tšwilego lenaneong. Banna ba bantši ba ngwadile Puku yela, dipuku tšela tše masometshela tshela tša Beibele. Ba e ngwadile ka go sekgoba sa makgolo le makgolo a mengwaga go arogana, yo motee a sa tsebe yo mongwe. Gomme go diregile eng? O ka se kgone go dira Lentšu le tee go thulana le lengwe. Nnete. Leo ke lebaka.

<sup>223</sup> Ke kwele batho ba re, “Beibele e a ikganetša Yonamong.” Ke tla rera go kgabaganya United States lebaka la ngwaga, go otlologa, le go dumelela badiredi go tšea meneelo le go e fa nthathana ye nngwe le ye nngwe go wena, ge o ka mpontšha moo Lentšu la Modimo le ikganetšago Lonamong. Nnete. Ke dirile moneelo woo lebaka la mengwaga. Ga go yo a o tšeetšego godimo le bjale. Aowa. Ka baka la gore, ga Le thulane le Lona. Ke bjoko bja gago mong bja tokomane bjo bonnyane, gore o-o leka go Le dira le bolele se sengwe seo Le sa se bolelego. Nnete. Aowa. Lentšu la Modimo ga le ikganetše Lonamong. Yena ke, ke...

<sup>224</sup> Bjale, dikerekemaina di tla thulana seng sa tšona. Di bjalo ka dinaledi tše dingwe tše, le a bona. Ba tla phaphamala go dikologa, nako ye nngwe le ye nngwe, go swana le lefase. Di retologela lefaseng, le go dikologa lefase. Gomme lefase le a retologa le go di hwiphinyetša ka ntle tšohle.

<sup>225</sup> Eupša ga se nke la ke la retologa go tloga go Naledi ya Leboa ya Modimo, Lentšu la Gagwe, moo khamphase e Le šupetšago. Ka mehla go a swana, “Jesu Kriste wa go swana maabane, lehono, le go ya go ile.” Yeo ke Gomangkanna. Leo ke lefelo.

<sup>226</sup> O ka kgona go lebelela *ye mo*. Lehono e mo, gomme gosasa e dumela se sengwe gape. Letšatši la go latela, e fedile, felotsoko gape. Yeo ke tsela. Ké moteketekiana, ka gare le ka ntile, ka ntile le ka ntile, le ka gare le ka gare, le go ya pele.

<sup>227</sup> Eupša, o bea pelo ya gago thwi go Lentšu la Modimo. “Gomme magodimo le lefase di tla feta, eupša Leo le ka se tsoge la feta.” Yeo ke Gomangkanna. Woo ke Motheo wa go tia. Yeo ke—yeo ke Khamphase ya ka, Mosesiši wa ka. Yoo ke Mohlahli wa ka. Seo ke Seetša sa ka, se godimo ga Gomangkanna yela ya Lentšu la Modimo. Ke tlemeletšwe kua, ka Gosafelego, le Yena. Amene. Ba bangwe ba ka kgona go dira se ba nyakago go se dira; seo se tšwa go bona. Eupša, go nna, ke Gomangkanna *ye*. Ke nyaka yeo bakeng sa Gomangkanna ya ka. Go ka šutha le go retologa, le go ya pele, eupša e sego Lentšu la Gagwe. Ka mehla Le tla dula le swana. Ka mehla O dula a le therešong go Lentšu la Gagwe. Bjale go Mo dire Gomangkanna ya gago.

<sup>228</sup> Mo dinakong tša bothata bja ka morago fale, ge ke lahlegetšwe ke lapa la ka, gomme bophelo bja ka bo nyakile bo tlošitšwe go nna. Mosetsana wa ka yo monnyane o hwile, nna ke mo rapelela, gomme morago ga ge ke bile mekgotheng, mosegare le bošego, ke rera le go rapela, le go leka go dira se se lokilego. Le kwele kanegelo ya bophelo bja ka. Bontši bja lena le e badile. Gomme, nna, go tlide lefelong, go fihla ke—ke bona mosadimogatša wa ka a ehwa, thwi...gomme nna ke swere seatla sa gagwe. Ke... Lesea la ka le lennyane le babjitše, diiri di se kae ka morago ga fao. Gomme ka ya tlase kua gomme ka rapela, ka tšohle di bego di le ka go nna. Go be go lebega o ka re lešela le leso le ile la theswa, gomme a gana go araba thapelo ya ka.

<sup>229</sup> Nako yeo Sathane a tla go nna gomme a re, “O a bona, o feels e ka ba mengwaga ye masomepedi ka bokgale. Gomme mo, wena, tšohle tše o di dirilego! Gomme, wena, o itlhokomologile wenamong. Gomme o dirile dilo tše tšohle. O—o lahlegelwa ke bophelo bjohle bja gago bjo boswa, mabapi le, ge o be o swanetše go ba o bile ntile go beng le nako ye kgolo boka setšhaba ka moka se seswa. Gomme mo o eme khoneng ya mokgotha, o lla le go rapela. Le ile bošego bjohle ka nako, ka dipetlele, iri ka morago ga iri. Gomme ge go etla go madi a gago mong le nama, O ganne go go kwa.” Yeo e bile nako ye nngwe ke ilego ka lekwa.

<sup>230</sup> Eupša ke diregile go elelwa morago. “Ke na le Gomangkanna. Le ge A mpolaya, efela ke tla Mo tshepa. Ga ke kgathale ke eng e tlogo goba e sepelago.”

<sup>231</sup> Mosenatoro wa nagana ya Indiana, Sam Isler, a tla, le yena. O tlie mo tabarenekeleng. O hlokofetše bjale, e ka ba mengwaga ye mebedi. Monna yo mokaone. Gomme o be a fela . . . O be a etla go theoga tsela.

<sup>232</sup> Ke be ke eya godimo, go rapela, godimo lebitleng moo mosadimogatša le lesea ba bego ba robetše. E be e le thwi ka morago ga lefula la '37. Ke be ke rwele para ya diputsu, gomme ke be ke sepela go rotoga tsela, ke lla.

<sup>233</sup> Billy yo monnyane, morwa wa ka, o be a no ba kgaušwi le go hwa, le yena. Gomme dingaka di be di šetše di boletše gore ga go selo se sengwe go feta go mo direla sona. Gomme—gomme o be a na le mohuta wa tengkhudedu ba be goba sa kgone go e emiša, tshwaetšo.

<sup>234</sup> Gomme ke be ke lla, ke rapela, gomme ka gopola. Go lokile, ke be ke sa swareletše go Modimo. Ke be ke eya go rotoga tsela, ke lla.

<sup>235</sup> Ke naganne ke tla ya godimo le go theetsa. Ke be ke fela ke dutše godimo fale, ga mantšiboa, mo lebitleng. Ke be ke tla kwa leeiba la kgale le etla fase kua le go ya go opela. Ke kwa mephaene e tšutla, gomme di—di—di diphefo go kgabola di—di diphefo go kgabola diphaene, a ke re. Gomme go kwagala o ka re di tla re:

Go ne Naga mošola wa noka,  
Ba e bitša bose go ya go ile,  
Re fihla feela Lebopong le ka grata ya tumelo;  
Ka o tee ka tee re rue kgoro,  
Kua go dula le ba go se hwe,  
Letšatši le lengwe ba leletša dipele tša gauta  
wena le nna.

<sup>236</sup> Ke be ke eme kua, ke lla, gomme ke lebelela godimo. Gomme ke tla re go mosadimogatša le ngwana, ke re, “Ke—ke a tseba gore ga wa robala mo. Ye e no ba moo ke bjetšego mpho yeo ke e swerego ka matsogong a ka. Eupša felotsoko, mošola wa noka, o fale.”

<sup>237</sup> Kafao, eupša, le a bona, ke—ke be ke eya godimo go lefelo leo, letšatši le lengwe, go dula godimo lebitleng. Ke be ke apere para ya diputsu, ke sepela mmogo. Koloi ya kgale ya tla godimo ka morago ga ka, ya ema. E be e le Mna. Isler, mosenatoro wa naga. O tabogetše ka ntle ga koloi. A goga go dikologa gomme a tla morago. A bea matsogo a gagwe go ntikologa, a re, “Billy, ka nnete ke go kwela bohloko.”

Ke rile, “Seo se lokile, Ngwanešu Isler.”

<sup>238</sup> Gomme o rile, “Ke—ke be ke se ka swanela go ema.” O bone ke be ke lla.

Ke rile, “Seo se lokile, Mna. Isler.”

Gomme o rile, “Ke ya go go botšiša se sengwe, morwa.”

Ke rile, “Go lokile. Eya pele gomme o mpotšiše.”

<sup>239</sup> O rile, “Ke go bone o eme fale ka phuluphithing yela go fihla ke naganne o tla hwa.” O rile, “Ke go bone ka lebelo go fihla o tla pata kudu ke tla go kwelabohloko, gomme,” o rile, “ka gare le ka ntle, le ka gare le ka ntle, mosegare le bošego.” A re, “Gomme ka gona mosadi wa gago le ngwana ka fale, o a bona, o lebelela tšona dilo.” O rile, “Kriste o ra eng go wena bjale?”

Ke rile:

Wena Moela wa khomotšo ya ka yohle,  
Go feta bophelo go nna,  
Ke na le mang lefaseng ntle le Wena?  
Goba mang Legodimong eupša Wena?

<sup>240</sup> Le a bona, ke hweditše Gomangkanna yela, Sengwe sela se bego se ntshwere ge ledimo le be le kgatlampana.

<sup>241</sup> Yo mongwe o rile go nna, o rile, “Billy, a o bolokile bodumedi bja gago lebakeng la nako ya bothata bja gago?”

Ke rile, “Aowa. Bo mpolokile.” Le a bona?

<sup>242</sup> Seo ke se e bego e le sona. Ke be ke tlemeletšwe go Yena ka diiring ge maatla a ka a be a ile, gomme ga go selo nka kgonago go se dira. Sekgwaparetšo sa ka se swere ka gare ga seširo sa Lentšu la Gagwe mošola.

<sup>243</sup> Moo, dinako tše dingwe ga ke e kwešiše. Dinako tše dingwe ke a nagana, “Ke eng e ntirago go dira dilo ke di dirago?” Go na le Se sengwe ka gare ga ka, se a ntšhušumetša. Nka se kgone go tlogela go se dira, ngwanešu.

<sup>244</sup> Ke tla Phoenix, letšatši le lengwe, ka maikemišetšo nka se tsoge ka ratha gape go mokgatlo e ka ba ofe. Selo sa pele le a tseba, pono e rathele pele ga ka, bošego bja mathomo, gomme ke ipone nnamong ke retologela go leba leganateng. Se sengwe se nthetolotše go dikologa, sa mpontšha ye kgolo ye tona, ya kgale, kereke ya go tonya, se rile, “Dula *fale*, pele o eya *fale*.” Oo, nna! Go na le se sengwe nka se kgonego go tlogela go se dira. Ke gomangkanna ye e lego ka gare ga ka. Ke bontši go feta bophelo bja ka, go nna. Ee. Nka se kgone go e fetola go feta nka kgonago fetola mmala wa mahlo a ka. Nka se kgone go e dira.

<sup>245</sup> Bjale, ka mogau wa Gagwe, ke tlemeletšwe go Yena, Yena yo a boletšego, go swana le ge A dirile ka matšatšing a Moshe, “KE NNA.”

<sup>246</sup> Moshe, le a tseba, o be a na le gomangkanna. Ge a be a le tlase kua, o be a na le yohle thutabomodimo monna a bego a ka kgonago ba le yona. Gomme o lekile thata. O be a le monna wa sešole. O lebeletše ntle ka mafastere. Gomme ka tumelo... Theetšang. Bjale, elelwang. “Ka tumelo, Moshe o hweditše kgobogo ya—ya Kriste mahumo a magologolo go feta mahumo a Egepeta.” O bile le tumelo ka go se a bego a se dira. O se dumetše ka phethagalo.

O tsebile gore o be a godišeditšwe morero woo. Eupša o šitilwe. O ile ntle go godiša dinku. Gomme o šitilwe.

<sup>247</sup> Eupša letšatši le lengwe, morago ka lehlakoreng la morago la leganata, o tlie go Gomangkanna. O tlie lefelong moo a kopanego le Sengwe seo se bego se le kgonthe. Go be go na le sethokgwa mo Mollong. O be a sa nyake go tsea matlakala le go ya tlase laborating, go bona lebaka le a sega a swa. O nno dula fase hlenge le Wona. “Rola dieta tša gago, Moshe.”

<sup>248</sup> “Ke tla ya tlase le go botšiša modiša wa ka, ‘Go reng ka Wo?’” O be a se ne nako go dira seo.

<sup>249</sup> O swanetše go rola dieta tša gagwe. Gomme ge a kwele ka Kua, fao go be go le Lentšu la Modimo yo a phelago, le le bego le le ka sethokgweng sela. “KE NNA YO A LEGO GONA. Ke elelwa tshepišo ya Ka ye Ke e dirilego le Abraham. Ke elelwa kgwerano ya Ka, gomme Ke tlie fase go ba lokolla.”

<sup>250</sup> Bjale, ka gona, o be a na le Gomangkanna. O be a tlemeletšwe go yeo ge feela a be a phela, gomme e ile ya mo tseela Legodimong. O be a tlemilwe go Gomangkanna yela, go sa kgathale gore yo mongwe wa baithutamodimo o boletše eng. O be a sa hloke yo mongwe go Le hlatholla go yena. O Le tsebile. O kopane le Modimo, le Segalontšu, Pilara yela ye kgolo ya Mollo yeo e mo hlahlilego go kgabola lešoka, le thwi go ya pele go ya nageng ya tshepišo. Pilara yela ya Mollo ka kua, e be e na le Segalontšu ka go Yona, gomme Segalontšu sela e be e le Segalontšu sa Modimo se se hlatsetšego Lentšu. Amene.

Ke a holofela ga la robala bjale. HlokomeLang.

<sup>251</sup> Pilara yela ya Mollo e boletše Lentšu, le go Le hlatsela, go Le dira le laetše o tsopotše Lengwalo. “Ke nna Modimo yoo a dirilego tshepišo go Abraham. Ke nna Yena. Seo ke se e lego bothata ka Israele. Seo ke se e lego bothata tlase fale. Ke elelwa tshepišo ya Ka, gomme ke tlie tlase go bona gore e dirilwe.”

<sup>252</sup> Modimo o šomiša motho feela, go šoma ka yena. Ga a šomiše mekgatlo. Ga a šomiše motšhene. A ka be a e dirile. Eupša, O kgethile motho. Yeo ke nnete. A ka kgetha dinaledi, phefo, goba eng kapa eng, go rera Ebangedi. Eupša, O kgethile motho. Ga A fetoge Yenamong. Ka mehla O a swana.

<sup>253</sup> O kgethile Madi bakeng sa phološo. Thuto goba ga go selo gape e ka tsogego ya tsea lefelo la Wona. Madi ke tsela ya Modimo ya maleba bakeng sa phološo. Yeo ke therešo.

Gomme bjale, ke nyaka le hlokomele, A ka se kgone go fetoga.

<sup>254</sup> Ge A boletše le Moshe, O rile, “Moshe, Ke go roma tlase kua. Eupša, pele o eya, ke nyaka go netefatša go wena gore ke nna Modimo.” O rile, “O na le eng ka seatleng sa gago fao?”

O rile, “Lepara.”

<sup>255</sup> A re, "Le lahlele fase." Gomme la fetoga sephente. A e topa gape. E bowa morago, lepara.

<sup>256</sup> Oo, ge Moshe a etla lefelong fao baekiši ba go tsoga, ba leka go ekiša! Ge a lahletše lepara la gagwe fase, gomme o rile, "Mo, Farao, ke tla go laetša se Modimo a mpoditšego go se dira. Ke tla lahlela lepara le fase, gomme ka le bogela le fetoga sephente." Le dirile.

<sup>257</sup> Farao o rile, "Ke na le bona mathaka, le nna. Kerekeleina ya ka e ka kgona go tšweletša seo." Kafao, ba tlie godimo le go hwetša baekiši tsoko.

<sup>258</sup> Moshe o dirile eng? O eme thwi fale. Gobaneng? O kopane le Modimo. O tsebile yoo e be e le Modimo. O be a dirile karolo ya gagwe. Ke nako ya Modimo go šikinyega nako yeo. O dutše thwi fale.

<sup>259</sup> Beibele e rile selo sa go swana se tla bušeletša ka matšatšing a mafelelo, "Ka gore bjalo ka ge Jannes le Jamboro ba emelane le Moshe." Ke therešo. Le a bona?

<sup>260</sup> Eupsa o eme fale. Gomme nako yeo o bone seatla sa Modimo se theoga, gomme nogra yela e kwameditše ka moka ga tšona. A le kile la ela hloko go diregile eng ka tšona diphata? Di be di le ka mpeng ya phata e tee ye. Moshe o etilepele bana ba Israele go kgabola lešoka, ka lepara lela la go swana, le tšona dinoga tšohle ka gare ga lona, ke a thanka.

<sup>261</sup> Gobaneng? Le a tseba gobaneng? Ge Moshe a kopane le sethokgwa se se tukago, le a tseba, gomme sethokgwa sela se tukago se tleleimile, se netefaditšwe go ba Modimo. Seetša sela, Pilara yela ya Mollo, yeo e netefaditšego go ba Modimo. Gomme ke a dumela gore Modimo o tlie ka go Moshe, ka gore, mo šetšeng ka maatleng a gagwe a go hlola. Moshe o be a phadima nako yeo ka Mollo.

<sup>262</sup> Le tseba mo ke yago bjale, a ga le? Nnete, boka Pentecost.

<sup>263</sup> Hlokamelang, Moshe o be a na le Mollo. Mollo o be o le ka go Moshe. Ka baka la gore, eng kapa eng Moshe a e boletšego, e be e se Moshe. E be e le Modimo a bolela. Gomme o dirile leswao la gagwe, gobane Pilara ya Mollo e tlogetše sethokgwa gomme ya tla go Moshe. Amene.

<sup>264</sup> Oo, ngwanešu, a o bona se ke se rago? Jesu yola wa go swana yo a ilego godimo, o tlie morago gape ka Letšatši la Pentecost, ka sebopego sa Moya wo Mokgethwa le Mollo. O swanetše go ba godimo ga batho, go dira selo sa go swana A se dirilego, gobane O rile O tla e dira. Re mo kae? Le bona se ke se rago? Moshe, Mollo o be o le ka go Moshe. O tlogetše sethokgwa, wa tla godimo ga Moshe.

<sup>265</sup> Re leka go bea Mollo ka leubeng. Seo ke mabapi le tšohle re nago. Se re se hlokago ke Mollo wa Moya wo Mokgethwa, Pilara yela ya Mollo ya go swana yeo e etilegopele Israele. Kgonthe.

<sup>266</sup> Oo, o re, “Bjale, Ngwanešu Branham, ke tla hlokomela seo.”

<sup>267</sup> Bjale, ema motsotso. Ge Paulo, moithutamodimo yo mogolo yoo a bilego le boitemogelo bjo bontši, eupša mo tseleng go ya Damaseko, gomme o ile a rathelwa fase. O lebeletše godimo gomme fao go be go le Pilara yela ya Mollo. O tsebile gore e be e le Modimo. O E bone e hlatselwa ka Beibeleng, E be e le Modimo. Gomme o Mmiditše, “Morena.” O rile, “Morena, Wena o Mang? Nka dira eng?”

O rile, “Ke nna Jesu.”

<sup>268</sup> Seo se ile sa e rarolla. Paulo o be a na le Gomangkanna. O tsebile gore Modimo wa Testamente ya Kgale e be e le Jesu Kriste wa ye Mpsha. O be a le fao a kgwapareditšwe, gomme go se selo se bego se ka mo šuthiša. Nnete. O be a na le bohlatse. Gobaneng? Pilara ya Mollo ya go swana yeo e etilegopele batho ba Gagwe go tšwa Egepeta go ya ka Israele, go ya ka Palestina, yona Pilara yela ya Mollo ya go swana e be e eme fale e tleleima go ba Jesu Kriste. Ka gona o tsebile mo a bego a le gona. Ka gona o be a loketše. Ka pela ge a fodišitšwe le go tlatšwa ka Moya wo Mokgethwa, o be a le komana go ya. Le a bona?

<sup>269</sup> Eupša, o be a na le Gomangkanna. E dutše le yena, pele ga Agrippa le ka moka banna ba bagolo ba wona matšatši, le basadi. O eme fale a phophotha bakeng sa Lentšu. Gobaneng? O tsebile gore Lentšu e be e le Modimo.

<sup>270</sup> Ke mang a ngwadilego puku ya Bahebere? Paulo, kgonthé. O be a šušumeditšwe go e dira. Eupša gobaneng? Pilara yela ya Mollo yeo e kopanego le yena e be e le ka go yena. Ke ka lebaka leo a kgonnego go ngwala.

<sup>271</sup> Ke ka baka leo Moshe a ngwadilego dipuku tše nne tša mathomo tša Beibe, ka lebaka la, Pilara yela ya Mollo. O be a tla tsoge a tseba bjang ka fao tlholo e thomilego? O be a tla tsoge a tseba bjang ka tše dingwe? Gobane, Pilara yela ya Mollo ya go swana yeo e bego e le ka go yena, yeo e bego e le sethokgweng, ya fologa sethokgwa gomme e be e le godimo ga gagwe. Gomme e ile ya hlatselwa le go kgonthišwa gore Le be le le. Kora le bona ba nyaka go thoma mokgatlo kgahlanolong le Lona, eupša ga se ya ſoma. E šitilwe. Moshe o bile le Gomangkanna yela.

<sup>272</sup> Paulo o bile le Gomangkanna ya go swana, Pilara ya Mollo ya go swana, Moya wo Mokgethwa wa go swana, Modimo wa go swana, e sego “Ke be ke le,” goba “Ke tla ba,” “KE NNA,” uh-huh, lebaka la bjale, ka mehla.

<sup>273</sup> Joshua o bile le Gomangkanna. Moo ke ge a kopane le Mokapotene Mogolo, Mokapotene Mogolo wa madira a Israele. Gomme O mmoditše go “matšha go dikologa maboto.” Bohle ba be ba šireletšegile ka gare. Oo, monna, o bolela ka, go thata go tsena ka gare? Go thata go ba le tsošeletšo ka fale, gobane ga go yo a bego a tla mo dumelila ka gare. Ba be bohle ba tswaletšwe, godimo ga gagwe. Eupša o kopane le Mokapotene Mogolo. O

mmoditše a dire eng. “E no apara tlhamo ya go tlala ya Modimo, gomme o tšwelepele o matšha.” Amene. “Maboto a tla wela fase.” Gomme ge batho ba goeleditše, gomme diphalafala di llile, yeo e be e le gomangkanna ya gagwe. O ile thwi ka gare bakeng sa lesolo la gagwe nako yeo, thwi ka gare go—go Jeriko. Nnete. O be a na le Gomangkanna, Lentšu la, go tšwa go Mokapotene Mogolo.

<sup>274</sup> Johane, ge a be a le lesogana, gomme o tsebile o be a swanetše go katiša. O be a eya go—o be a eya go swanelwa ke go tsebiša Mesia. O be a le yena. Ga se nke a tseba O be a le Mang. O be a le felotsoko. Gomme Johane o tsebile gore o be a ka se kgone go no tšea boitemogelo bja seminari. O be a swanetše go ba le Gomangkanna. O be a swanetše go ba le se sengwe go ba therešo ka go felela.

<sup>275</sup> Bjale, baena, ke nyaka go le botšiša se sengwe. Badiredi, e sego go fapano, e sego go ba le swele, eupša go botega, a ga le nagane gore le ke letšatši, ka go tlhakahlakano yohle ye re phelago ka go yona, re swanetše go ba—re swanetše go ba le nnete ka selo se? Go na le diphapano tše dintši kudu.

<sup>276</sup> Gomme Johane o tsebile o be a swanetše go ba kgonthe ka go felela, kafao ga se nke a ya sekolong sa tatagwe. Ga go selo se rilego o ile morago go ithuta go ba moprista. Eupša o ile lešokeng, gomme o be a le ka lešokeng go fihla go bitšwa ga gagwe.

<sup>277</sup> Ka gona o tlide go dikologa, gomme mašaba a be a eme fao. O be a na le nnete kudu gore Mesia o be a le ka letšatšing la gagwe, gobane o be a le yena yoo a beetšwego go tsebiša Mesia yo, gobane Maleaki 3 o boletše bjalo. “Ke tla roma motseta wa Ka pele ga sefahlego sa Ka. Gomme o tla lokiša tsela.”

<sup>278</sup> Johane o tsebile moo a bego a eme. Ga go kgathale ke baprista ba bakae ba tla rego, “O ra go bolela nako, re ile godimo mo, sehlabelo sa tšatši ka tšatši se tla be se fedile?”

<sup>279</sup> O rile, “Go tla tla nako ge Kwana ya Modimo e tla tla, yeo e tla tlošago sehlabelo.” A eme ka lerageng, ka maledu godimo ga sefahlego sa gagwe, yoo o ka mo rakago go tloga ntlong ya gago lehono. Go be go le. . . Le a bona?

<sup>280</sup> Modimo ga a ka go legoro le matsaka, bjalo ka ge re leka go Mmea ka gare, gomme rena batho ba Pentecostal. Modimo o ka go boikokobetšo.

<sup>281</sup> O be a le fao, a eme. Mo šetšeng. Gomme o be a tsebiša. O, o rile. . . O be a ne nnete kudu gore O be a le fao, o rile, “Go na le yo Motee o eme magareng ga lena, Yo ebilego le sa mo tsebe.” Oo, nna! A tsholo! “Go na le yo Motee magareng ga lena, thwi bjale, Yo le sa mo tsebego.”

<sup>282</sup> Ke a makala ge eba e tla kwagala go nyefola ge ke mo ekišitše motsotso. Mohlomongwe bokaone ke se ke. Yo Motee magareng ga lena, yo le sa mo tsebego. Le tteleima gore le a Mo tseba, eupša

ga le dire. Gologotha, ba bolaya yena Modimo yoo ba tleleimago ba be ba mo hlankela. Ga se ba Mo tsebe.

Johane o rile, “Go na le yo Motee magareng ga lena, gomme ga le Mo tsebe.”

<sup>283</sup> Gomme letšatši le lengwe o lebeletše ntle kua, gomme ka go felela o bone Leeba le etla fase go tšwa Legodimong, le Segalontšu. Ga go yo mongwe gape a Le bonego. Ga go yo mongwe gape a Se kwelego. Eupša o Le bone, gomme Le be le le gomangkanna; e sego Profesa Jones, goba yo mongwe gape. E bile, “Godimo ga Yena yo o tla bonago Moya o theogela le go dula go yena, Ke Yena yo a tla kolobetságo ka Moya wo Mokgethwa le Mollo.” Bjo ke bohlatse bjo Bokgethwa bja Modimo go e dira bjalo. E be e le gomangkanna. Fao go be go se—go se potšišo ka monaganong wa Johane. E be e le fao, feela tlwa se Modimo a rilego se tla direga. E be e le fao. Kafao, Leeba lela godimo ga Monna yola wa mehleng le be le le—le be le le gomangkanna ya Johane. O tsebile e be e le therešo.

<sup>284</sup> Bjale ke ya go tswalela ka go bolela mantšu a a sego makae. A ga le nagane gore re hloka Gomangkanna? A ga le nagane re hloka se sengwe e lego sa kgonthe? Kgonthe. Re hloka se sengwe, gore se sengwe seo o ka se bolelago, “Ye ke Yona,” bea diatla tša gago go yona. “Ye ke Yona,” re kgona go bona. Re ya go e dira bjang? Yo mongwe le yo mongwe o re, “Ye ke Yona. Ye ke Yona.” Eupša yeo e swanetše go ba ya Lengwalo, gomangkanna.

<sup>285</sup> A nke ke no le fa selo se sennyane sa sebele pele ke tswalela. Ngwanešu, kgaetšedi, ge ke tsere kgetho ya ka, ge eba ke be ke nyaka go dula le kereke ya Baptist, goba eng. E no ba ye botse bjalo ka ye nngwe le ye nngwe—ye nngwe ya tšona, go nna, feela sehlopha sa banna se beilwe mmogo, seo se lokilego. Eupša ge go etla go nako ba ilego ba swanela go mpotša gore ke ile ka swanela go itšimeletša ka Lentšu, bjale, seo, ga se ka dirwa go tšwa go seo. Aowa. Le a bona? Lentšu ke la pele. Le a bona?

<sup>286</sup> “Gabotse,” ba rile, “ge o sa dire seo, o ka se sa ba wa kereke ya Baptist.”

<sup>287</sup> Ke rile, “Ga ke. Ga se kereke ya Baptist yeo e mphološitšego. E bile Jesu Kriste, le a bona, yoo a mphološitšego.”

<sup>288</sup> Ke Yena Konokono ya ka. Ke Yena Boemo bja ka. Ke Yena Gomangkanna ya ka. Ke Yena kota ya go Tlemelela ya ka. Fao ke eme.

<sup>289</sup> Bjale, ge ke na le selo sa phošo, gona Modimo a ka se tsoge a se tiišetša. Eupša ge o na le selo sa maleba, Modimo o tlemega go se tiišetša. Ke lena bao. Gomme yeo ke netefatšo ya sona. Le a bona? Ge e le nnete, Modimo o tlamegile go netefatša ke nnete. Ge e le phošo, A ka se be le selo go dira le yona.

<sup>290</sup> Kafao, ke a elelwa, ka morago ga tsošeletšo ya ka ya mathomo. Ke be ke le tlase nokeng, ke kolobetša. Ke tsere

mothro wa bolesomešupa. Mosadimogatša wa ka, mosetsana yo monnyane a eme lešing ka nako yeo. (Ke be ke se ka ke ka nyala go mosadi wa ka wa pele yo a hlokofetšego.) Gomme o be a le fale, mo lešing. Gomme bohle ba be ba eme fale, makgolo le makgolo a batho, ee, dikete tše nne goba tše tlhano, mohlomongwe bontši, godimo le tlase lebopong la noka, morago ga sekgalela sa go fiša ka kgonthe ka June.

<sup>291</sup> Ke sepeletše ntle ka meetseng, gomme ke tšere mokolobetšwa, e ka ba motho wa lesomešupa, go mo kolobetša. Ke bile le e ka ba makgolotlhano, morago ga tsošeletšo ya ka, go kolobetšwa. Gomme ke sepeletše ntle ka meetseng le motho yo. Ke thomile go phagamiša seatla sa ka. Ke rile, “Tate wa Legodimong, bjalo ka ge ke . . .”

<sup>292</sup> Gomme e ka ba ka nako yeo, Sengwe se ntšhišintše. Ke naganne, “Se kae?” Ke lebeletše go dikologa. Yo mongwe le yo mongwe o bile le dihlogo tša bona di inamišitšwe, oo, bokgole bjoo ke kgonnego go bona. Moragorago godimo mašing, fao go be go le, oo, dikoloi le batho di pakelane gohole godimo ga maboto, le dilo. Ke lebeletše gape. Ke kwele Segalontšu se re, “Lebelela godimo.” Gomme ke be ke boifa go lebelela godimo. Ke be ke no ba segotlane. Re na le seswantšho sa Sona.

Ke rile, “Tate . . .”

Sengwe se rile, “Lebelela godimo.”

<sup>293</sup> Ke beile seatla sa ka fase. Moisa yo moswa yo, ke be ke eya go mo kolobetša, o ntebeletše sefahlegong. O rile, “Gabotse, Ngwanešu Bill?”

Ke rile, “A o kwele Seo?”

O rile, “Aowa.”

Ke rile, “Tate wa Legodimong . . .”

O rile, “Lebelela godimo.”

<sup>294</sup> Ke lebeletše godimo, ka mokgwa *wo*. Gomme go tla fase go tšwa lefaufaung go tla Pilara ya Seetša e dikologa go dikologa, Segalontšu se etla go tšwa go Yona, se rora, se etla fase. Se rile, “Bjalo ka ge Johane Mokolobetši a romilwe go etapele go tla ga pele ga Jesu Kriste, le wena o romilwe bjalo.” O Modimo! Ke šeditše Seetša sela. Ke Se bone, ge e sa le go tloga ke le mošemane yo monnyane.

Ke lekile go botša batho. Ba rile, “O tšwele monaganong wa gago.”

<sup>295</sup> Eupša diphatišišo tša saense, mohu George J. Lacy, ge a hlahlobile, ge ba tšere seswantšho sa Sona, Se be e le fale, feela go swana. E bontšhitše ka go seswantšho. Netefatšo ya sesaense e netefatša gore Soe lokile. Go nna, ga se ya ke ya mpotša selo se tee eupša e tlwa godimo ga Lengwalo le.

<sup>296</sup> Ge, ke bone Mollo wola le go O kwa, le go bona yo mongwe le yo mongwe a goelela, go idibala, le go wa, go lebelela kua, le go šupa go Seetša sela. Pampiri, pampiri ya Louisville, e rwele athekele ye kgolo. E ile pele Associated Press, gohle go kgabola Canada, mogohle, “Seetša sa Sephiri se tšwelela godimo ga modiredi wa tikologo wa Baptist ge a kolobetša.” *Sephiri*, “bothata go kwešiša.” Ke makga a makae ba Se tšerego? Ka kgonagalo motho yo mongwe le yo mongwe ka fa, ke a thanka, o ne sona ka lapeng la gago. Se gona ka Washington, DC, se filwe tokelo ya khophi bjalo ka “Sephedi sa kagodimogatlhago se nnoši se kilego sa tšewa senepe, se nepilwe ka saense.”

<sup>297</sup> E be e le Eng? Seetša sela sa go swana, Segalontšu sela sa go swana, se boletše le go re, “Jesu Kriste o a swana maabane, lehono le go ya go ile.” Ke Segalontšu sa go swana. Go nna, Ke Pilara ya Mollo ya go swana e bego e le morago mošola, gobane E dira mediro ya go swana. Jesu o rile, “Ke tšwa go Modimo gomme Ke ya go Modimo. Lebakana le lennyane gomme lefase ga le sa Mpona gape.” O tlide. O rile, ge A be a le mo lefaseng, moketeng, O rile, “KE NNA YO A LEGO GONA.” O re . . .

<sup>298</sup> “Gabotse, ga O ka godimo ga bogolo bja mengwaga ye masometlhano, eupša, O rile, o re O ‘bone Abraham’?”

O rile, “Pele Abraham a eba KE NNA.”

<sup>299</sup> O be a le fao. E be e le Eng? Seetša sela, Mollo wola, Modimo yola, Moya wola. Modimo ke Mollo wo o tukago. Yena ke Seetša. Gomme E be e le fao, ka gare, e bonagaditšwe ka go Jesu Kriste. E boile ge Jesu a tsogile go tšwa lebitleng.

<sup>300</sup> Eupša ka letšatši le A kopanego le Paulo, a etla tlase Damaseko, O be a retologetše morago go Modimo gape, ka gore O rile, “Ke nna Jesu, Yo o mo hlomerego.”

<sup>301</sup> Baena, le se ke la robala. A ga le bone gore Modimo yola a swanago o magareng ga rena thwi bjale, a netefatša ka Boyena, gore Jesu Kriste o a swana maabane, lehono, le go ya go ile? Yeo ke Gomangkanna ya ka.

<sup>302</sup> Ga se nke A ke a mpotša selo se tee . . . Ge A mpoditše selo se tee seo se bego se le kgahlanong le Lengwalo le . . .

<sup>303</sup> Ga se ka ke ka tsoge ka ba le motho go ema pele ga ka le bjale le go Le ganetša. Moisa o rile o be a eya go, nako ye nngwe, gomme ga se a e dire. Ga se a bonale. O be a na le tlhaologanyo ye kaonana go feta ka mo ke bego ke gopola gore o dirile. O tseba bokaonana go feta go dira seo. Le a tseba, moisa yo a emeletšego godimo nako ye nngwe ka kopanong, go e dira, o ile a golofala. Ba mo rwaletše ntle.

<sup>304</sup> Ga se ka ke ka tsoge ka tshwenyega ka selo, gobane ke a dumela Gomangkanna ya ka ke Lentšu la Modimo. Le dirilwe go bonagatšwa. Godimo ga Le ke tla bea soulo le mmele wa ka. Gobaneng? Ga se nke A ke a mpotša selo se tee eupša se se bego se

le Lengwalo ka phethagalo. Ga se nke A bolela selo se tee go nna, pele ga e ka ba ofe wa lena . . . Ke tla tšea e ka ba ofe wa lena go hlasela. A O kile a le botša e ka ba eng ka Leina la Morena eupša se se diregilego? Seo ke tlwa.

<sup>305</sup> Ke eng? Ke, “Godimo ga leswika le,” godimo ga Lentšu le. Yoo ke Yena moo ke hwetšago kutollo. Ke go tšwa go Yena Yo a Le utollago. Ga se ka rutega. Ga ke leke go ithuta, ga ke leke go Le tseba. Ke no dira bjalo ka ge A mpotša. Gona, ge A mpontšha, ke lebelela *fa*, gomme Lona šele. Ebile ga se ke Le bone, gomme šele Lona *fa*, gomme Le iponagatša Lonamong. Leo ke Gomangkanna ya ka. Le mpolokile go theoga go kgabola mengwaga ye. Baena, Le nthušitše ge ke be ke se na le tsela ye nngwe ya go thušwa.

<sup>306</sup> Ke nyaka go hwa ka Lona. Ge ke etla go nako ya go hwa, ke a holofela, go swana le Moshe, ke bona Leswika lela le eme mošola. Ke nyaka go namela godimo ga lona, le go ba le barwalalepokisi tsoko go nthwalela kgole.

<sup>307</sup> Go fihla nako yeo, ke ya go phela go rereša go Lentšu lela, kafao nthuše, Modimo, gobane yeo ke Gomangkanna ya ka, go se mona go e ka ba mang, ka lerato le mogau go ya go bohole. Ge seo e se nnete, Modimo a ka kgona go nrathe ke hwe ke eme mo ka phuluphithing ye. Ga ke ne mona kgahlanong le motho. Ke rata yo mongwe le yo mongwe.

<sup>308</sup> Gomme a ga le tsebe, a le kile la bala Johane wa Pele 4:17, gore o swanetše go ba le phošollo ka mokgwa woo, go dira lerato la mmapale ka nako ya kahlolo? Ga se go fapania. Ke lerato. Lerato le tiile, gomme lerato le a sola.

<sup>309</sup> Monna, o be a tla tlogela mosadimogatša wa gagwe go ya ntle le go kitima go dikologa bošego bjhohle le ba bangwe ba tagilwe, a tle ka gare, mosong wo o latelago, a re, “Ee, morategi, ke a holofela o bile le nako ye botse,” o monna wa boitshwarelelo bja go šokiša. Monna mang kapa mang a ka tlogelago mosadimogatša wa gagwe go tšwela ntle kua le go apara dišothi, le disutu tše nnyane tše tša kgale tša go rutha, dipikini, goba e ka ba eng e lego, go robala ntle magareng ga batho ba, ke ne dikhofelotša dinnyane tša lena ebile go beng monna. Yeo ke nnete.

<sup>310</sup> Monna ga a elwa ka digoba tša gagwe ke tše kgolo gakaakang, digobagoba tša gagwe ke tše kgolo gakaakang. O elwa ka semelo sa gagwe. Yeo ke nnete tlwa. Gomme semelo se tšwa go Lentšu la Modimo, gomme leo le nnoši.

<sup>311</sup> Gomme moreri e ka ba mang yo a tteleimago go ba moreri, a ganago Lentšu lela, ke semelo se sennyane sa Modimo fao, go nna. Amene. Go ka no ba dikhofelotša dingwe ge a ka theetsa lebakana. Ya. Bjale, ga ke nyake go swaswalatša gape. Le a bona? Ke a le rata, gomme ke ra seo.

<sup>312</sup> Eupša Yeo ke Gomangkanna ya ka, baena, Lentšu le, O RIALO MORENA. Gomme le a tseba yeo ke therešo.

<sup>313</sup> Ke be ke lebeletše go dikologa bakeng sa Ngwanešu Carlson, go bona ge eba o be a sa dutše mo. Ke a thanka o ile. [Yo mongwe o re, “Henry?”] Ee. O be a bolela mo, lebakana la go feta.

<sup>314</sup> O be a le thwi kua ka Chicago ge sehlopha sela sa Greater Chicago Ministerial Association, gobaneng, matšatši a mabedi goba a mararo, ba be ba eya go nkogogela ka fale le go nkopanya godimo ga malahle, ya, go dilo tše dingwe tše ke bego ke di ruta ka Ye le ka ga dilo tše. Gomme mašego a mararo pele e direga, Moya wo Mokgethwa o ntsošitše le go re, “Eya godimo kua gomme o eme kgauswi le lefastere lela.” Ke ile, gomme go be go le legadima le phadima. O rile, “Ba na le molaba o beetšwe wena, eupša o se palelwe go ya. Ke tla ba le wena.”

<sup>315</sup> Ke tšere Ngwanešu Carlson, Ngwanešu Tommy Hicks. Lena bohole le a mo tseba. Re na le theipi ya yona thwi mo. Gomme ba nyakile ke ye mosong wo o latelago, go ja difihlolo le bona. Ke ile tlase go Town and Country, gomme re dutše fase kua. Ke naganne ke tla no kama Tommy. Ke mogwera wa go loka wa ka, ngwanešu yo bohlokwa. Ke rile, “Tommy, ke swanetše go kopana le bona badiredi.” Ke rile, “Wena o Ngaka ya Bokgethwa. Tsela ya ka ye nnyane ya go hloka tsebo ya kgale ya go bolela,” ke rile, “Nka se kgone go kopana le bona baisa. A o ka se ntirele seo? Ke go diretše monyetla wo montši.”

O rile, “Oo, nka se kgone go e dira, Ngwanešu Branham.”

<sup>316</sup> Gomme Ngwanešu Carlson, bona, ba lebelelane seng. Ke rile, “A o nagana o nkulutela seo? Ke a tseba gobaneng o ka se e dire.” Ke rile, “Theetsang. Ke ka gobane Mokgatlo wola o ne se sengwe seo ba yago go mpotšiša ka sona.” Gomme bobedi ba be ba lebega o ka re ba be ba ka kgona go wa go kgabolabebato.

<sup>317</sup> Gomme ge ba dirile, ke rile, “Ka kgonthe, ke yona. Eupša, a nke ke go botše, Ngwanešu Hank.”

<sup>318</sup> O dutše mo felotsoko bjale. O thwi tikologong mo. Gomme kafao o dutše thwi mo. Ke rile, “Ngwanešu Hank . . .” Mo leseng a pake. Gomme kafao re sa tšwa go fetša go bolela ka yona, lebakana la go feta, ka kua.

<sup>319</sup> Ke rile, “Ngwanešu Hank, theetša. O na le kamora yela ya hotele e hirilwe, a ga se o dire? Eupša O RIALO MORENA, ba ya go go gana.”

O rile, “Ngwanešu Branham, ba swere peeletšo ya ka.”

<sup>320</sup> “Ga ke kgathale se o se swerego. Ga o ye go e hwetša. Re ya ka go lefelo . . . Leo le nago kamora ye tala, gomme *le* ke le le tsotswana. Gomme Ngk. Meade o ya go dula fase mo, le *semangmang*,” gomme feela tlwa moo ba tla bego ba dutše. Gomme ke rile, “Ga ke nyake o leke go goga matswele e ka ba afe bakeng sa ka. Nno ntsebiša go batheeletši, gomme a nke ke dire ka moka.” O rile . . .

<sup>321</sup> Gomme mosong wola ge a etla godimo fale, monna yo mongwe le yo mongwe a dutše feela tlwa. Ba khantshetše lefelo. Gomme o ile a swanelo go hwetša Town and Country ntle kua, go—go hwetša lefelo, kamora ye tsothwa, feela tlwa. Fale go dutše Ngk. Meade le bohle ka moka ga bona, feela lefelo leo ba . . .

<sup>322</sup> Ke lebeletše godimo go yena, gomme Ngwanešu Tommy Hicks a ntebelela. O—o—o—o rile, “Ngwanešu Branham, ke ikwela boka go idibala.” Gomme o rile . . .

Ke rile, “Se tshwenyege.”

<sup>323</sup> Gomme kafao Ngwanešu Carlson o emeletše, o rile, “Bjale, ke a tseba bontši bja lena banna le ya go ganetšana le Ngwanešu Branham, le dilo boka tše,” eupša o rile, “go ne selo se tee, ga a boife go ema fa.” Gomme o rile, “Bjale, ke tla no e retollela go yena.”

<sup>324</sup> Ke rile, “Bjale, yo mongwe le yo mongwe wa lena, sese se le nago kgahlanong le nna.” Gomme ke biditše godimo, dilo tše nne goba tše tlhano tša go fapania. Ke rile, “Ke nyaka monna tsoko go tše Beibebe ya Gagwe le go tla mo, a eme lehlakoreng la ka le go E phegiše. Nnete. Gomme ge le sa kgone go e dira, gona tlogang mokokotlong wa ka.” Uh-huh. Yeo ke nnete. Ee, mohlomphegi. Ee, mohlomphegi. Uh-huh! Yeo ke nnete.

<sup>325</sup> Ke be ke eme mošola ka Bombay, India, ka selo sa go swana, ge monna wa sefov a eme fale. Bona ba bohlale le se sengwe le se sengwe gape ba dutše ntle kua, gomme bona, banna ba bakgethwa, le Bomohammedan, le Buddha, se sengwe le se sengwe. Ke be ke bone pono monna yo o be a eya go hwetša go bona ga gagwe. Ke rile, “A nke, yo mongwe wa lena batho ntle fale, a tle godimo fa gomme a mo fe go bona ga gagwe. Ke thabištšwe lehono ke mabodumedi a go fapania a lesomešupa, gomme yo mongwe le yo mongwe wa lena o gana Jesu Kriste.” Ke rile, “Ge bodumedi bja gago e le bjo bogolo kudu, etla, efa monna yo pono ya gagwe.”

<sup>326</sup> O be o tla reng? O be a le morapedi wa letšatši. Boka, Moya wo Mokgethwa, eupša ba naganne O be o le “go bala monagano,” le a bona, gomme ke be ke “bala monagano wa bona.”

<sup>327</sup> Ke rile, “Gobaneng, ka kgonthe Modimo wa tlholo, ge motho a nyaka go dira gabotse, ka nnete gore Modimo wa tlholo o tla mo tliša morago ka go seemo sa gagwe sa maleba.”

<sup>328</sup> Nkabe ke se ka bolela seo, bakeng sa lefeela, ge nkabe ke se ka bona seo se direga ka ponong. Eupša, ke tsebile, nako yeo. Le a bona? Ga o nyake go tše se sengwe o se eleletšago. O nyaka go ba nnetenete gore o a rereša, gona ga o kgathale se se tlago goba se sepelago. O eme fale le wena, gomme kafao e dira phapano efe? Fao, le tseba se se diregilego, gomme monna wa sefov o amogetše pono ya gagwe.

<sup>329</sup> E ka ba dikgwedi tše pedi goba tše tharo tša go feta, ke be ke eme ka kamoreng. Ke kwele segalontšu se bolela sekhutlong. Ke lekile go phafosa mosadimogatša wa ka, go se lebelela fale. Fao, e be e eya pele ga fao, go be go le selo sa go tšoša se eme kua malaong, se mpega molato. Ka morago ga ge A mpoditše... ke bone mokopa wo mogolo o kitima. Yeo ke nogaya Afrika, gomme o be a leka go bolaya batho, gomme o be a le ka morago ga ngwanešu. Gomme ke goeeditše ntle, "O Modimo, nka dira eng?"

<sup>330</sup> O rile, "O filwe maatla go mo tlema." O rile "Eba le sebete."

<sup>331</sup> Ke boletše le yena. Gomme mosela wa gagwe o ile godimo ka moyeng, le go hwidinya go dikologa, gomme, go no swana le seswaro se sa moeta mo, gomme a ikgama ka boyena go hwa. Muši wo bolou wa fofa go tšwa go tšwa.

<sup>332</sup> Mosong wo o latelago, ge ke tsoga, ke be ke robetše fale. Ke rile, "Bokaone ke emelele gomme ke tše bana go ya sekolong." Ke lebeletše godimo, gomme go be go le selo se sa go lebega go tšoša. Go be go lebega o ka re e be e le Alley Oop ka go pampiri ya go makatša, dinaka tše kgolo tše tona di tšwetše ka ntle ga yona. O be a eya, go kwagala bjalo ka kgogotshadi e kekeretsa, goba—goba e opela, go swana le ge di eya go tšwa ntlongpolokelo. Ke ile ka e lebelela.

Ke rile, "Meda, Meda, hani." Gomme ga se a phafoga.

<sup>333</sup> Ke naganne, "Ya, seo se tla mo tšoša go iša lehung." Ke letile fale feela motsotsso, le go ema le go šetša.

<sup>334</sup> Batho ba bolela ka bodiabolo, gomme ebile ga ba tsebe se ba lego, nako ye nngwe. Yeo ke nnene. Eupša o kitimela ka go tšona, letšatši le lengwe le le lengwe, mohlomongwe, eupša o tla dira. Hlokomelang.

<sup>335</sup> Gomme morago ga nakwana, o be a mphega molato. O rile, "Ga o na maatla le Modimo. O no ba phoro. Ga o na maatla."

<sup>336</sup> Ke rile, "Sathane, ke wena sekgori go nna. Etšwa tseleng ya ka, ka Leina la Jesu Kriste." Gomme o tlogile.

<sup>337</sup> Ke ile ka robala fao gannyane, mo mpeteng. Ka thoma go emelela, ka kwa maikutlo a mabose ka nnene a etla godimo ga ka. Ke naganne, "Ke a makala ge eba Moya wo Mokgethwabjale o kgauswi?" Gomme godimo ka khoneng... Kafao nthuše, Beibeleya ka še godimo ga pelo ya ka. Segalontšu se sebosebose nkilego ka se kwa bophelong bja ka, se rile, "Se boife go ya e ka ba kae, gomme se boife go dira e ka ba eng, ka gore Bogona bja Jesu Kriste bja go se tsoge bja palelwa bo na le wena kae kapa kae o yago."

<sup>338</sup> Seo se ile sa e rarolla, le nna. A nke ba befelwe. Ke na le Gomangkanna. Sekgwaparetši sa ka se swere mošola, gobane ke Lentšu la Modimo yo a phelago. Amene. Ya. A le a Mo dumela?

A re inamišeng dihlogo tša rená feela nakwana.

<sup>339</sup> Ge o se na le Gomangkanna yela bjale, E hwetše. Ge o ka rata go ba le Gomangkanna yela, netefatšo yela ka pelong ya gago ya Moya wo Mokgethwa, phagamiša seatla sa gago, o re, "Ke nyaka se sengwe se se tla feleletšago Lentšu la Modimo, gomme ke kgona go bona Lentšu la Modimo le dirwa go bonagala." Amene. Modimo a le šegofatše. Go gohle moagong. Ke a le leboga.

<sup>340</sup> Ke no go botša Therešo, mogwera. O se E dumelele go feta kgaušwi le wena. Ga ke tleleime... Ga ke selo. Ke nna ngwaneno. O se ke wa iša šedi ye e itšego go motseta. Wena hlokomele Molaetša. O se hlokomele motseta. Modimo o tla e tsea go tloga go wena. A ka se abelane Letago la Gagwe le yo mongwe. Yeo ke nnete. Le se šetše motseta. Šetšang Molaetša.

<sup>341</sup> Ge monna a kitimela ka mo, a ka no ba yo moso, yo mokheri, yo motsTho, wa lenkgeretla, ge a na le tšeke go wena bakeng sa panka bakeng sa ditolara tše milione, o be o ka se tshwenyeg e o be a le mmala ofe goba o be a apere bjang. Ke molaetša wo a go swaretšego wona.

<sup>342</sup> Bjale, le se ke la lebelela popopolelo ya ka le—le dilo. Le no elelwa ke le botša ka Jesu Kriste Yo a lego mo bjale. O Mo dumela ka pelo ya gago yohle. O se šitwe go Mo dumela.

<sup>343</sup> Ke šeditše bjale go bona se A yago go mpotša. Nno tšwelangpele dihlogo tša lena di inamištšwe gomme le thome go rapela. Nno bang le tumelo. Le se belaele.

<sup>344</sup> Bjale, Tate wa Legodimong, yohle e ka diatleng tša Gago. Ke a rapela, Tate wa Legodimong, feela bjale, gore banna le basadi ka mo ba ka lemoga gore se ga se selo se bonolo go se dira, go beng wa go hwa gomme o phela magareng ga batho, o phela le batho. Ke a rapela, Tate wa Legodimong, gore ba tla kwešiša se le go tseba gore mohlanka wa Gago o—o leka go bolela ka Wena. Gomme ke hweditše gore O boloka Lentšu la Gago, Morena. Ke hweditše gore ke therešo. Ke hwetša gore Wena le Lentšu la Gago le a swana mong.

<sup>345</sup> Gomme O nkišitše go bolokega bokgole bjo, Tate. Ge... Morongwa yola Yo batho ba mmonego, gomme ba bonego Seetsa sa Gagwe, Se ka go Pilara ya Mollo. Morena, ka pelo ya ka yohle ke a dumela Ke Morena wa rena Jesu. Ke a dumela Ke Moya wa Gagwe, Moya wo Mokgethwa, woo bohle re rapelago le go dumelago ka go wona.

<sup>346</sup> Modimo, a nke re se palelwé go O lemoga bjale, gomme a nke re kwešiše le go tla morago. Gomme a nke kereke e itlhwekiše yonamong. A nke kerekeleina ye nngwe le ye nngwe. Tate, ga ke rapele gore O tla pšhatla dikerekemaina tšela. Eupsa ke a rapela gore Moya wo Mokgethwa o tla tsena ka go dikgao tše, gomme ba tla ba bona dilo go fapano, gore bohle ba be batee, bongwanešu. E fe.

<sup>347</sup> Ke a Go leboga bakeng sa tirišano ya bona ye kaone, Morena. Ge nkabe e be e se Wena ka go se, go be go se yo a ntumeletšego

go tla ka gare. Eupša, Wena, Wena mphe kgaogelo le badiredi ba. Ke a rapela gore O tla ba šegofatša, Morena. Ke a ba rapelela, gagolo, bakeng sa yo mongwe le yo mongwe.

<sup>348</sup> Ke rapelela Ngwanešu Williams. Morena, mo fe tlhologelo ya pelo ya gagwe. Oo, ke a rapela gore O tla mo thuša, yena le Kgaetšedi Williams, le—le ditlhologelo tša bona. Ngwanešu Shakarian, Kgaetšedi Shakarian, bohle baemedi ba mo, ba sehlopha se segolo se sa maloko ba O ba bileditšego ntle, ka go matšatši a a mafelelo, go rwala molaetša go kopanya baena mmogo, Morena, a nke ba se tsoge ba ba kerekeleina. A nke ba dule ba lokologile go tšwa go dilo tšeо tšohle, le go bea matsogo a bona ntle le go tšeela banešu bohle bao ba tswetšwego ke Moya. E fe.

<sup>349</sup> Šegofatša dihlopha tšohle. Šegofatša Maoneness, gomme ba—gomme ba... dihlopha tšohle tše nnyane tša go fapana, Morena, bao ba nago le dikgopololo tša bona tša go fapana, mama Mathirinithi, le ba ba dumelago gore Modimo ke ba babed, le Modimo ke ba bararo. Le Modimo ke... Oo, e ka ba eng ba e dumelago, Modimo, a nke ba tsebe gore go ne Modimo o tee wa therešo, Jesu Kriste ke Morwa wa Gagwe. Gomme e fe, Morena, gore ba tla kgona go kwešiša dilo tše, gore ga re ne boModimo ba bane goba ba bahlano. Re na le Modimo yo a swanago, ka go Tate, Morwa, le Moya wo Mokgethwa. A nke ba... A nke kutollo e hlabe godimo ga bona lehono, Morena.

<sup>350</sup> A nke dikgogakgogano tše di tlogele go ya pele. Gomme a nke banna le basadi ba kgone go hlakana mmogo, le go ba batee ka go Kriste, ka gore diiri di thari kudu bjale ka go dingangišano tše le dilo tše dinnyane.

<sup>351</sup> Ke a Go dumela. Gomme ke a dumela, Tate, bohle ba O ba kgethetšego pele go tla Bophelong ba tla kwa Segalontšu sa Gago gomme ba tla. “Dinku tša Ka di tla kwa Segalontšu sa Ka.” Gomme ke a dumela gore O tla e fa, Morena. Ba šegofatše bjale.

<sup>352</sup> Go na le diatla tše ntši ka mo, moo mohlomongwe makgolo a mabedi a diatla godimo ka moyeng, bao ba bego ba nyaka go Go amogela bjalo ka Mophološi wa bona, gomme ba nyaka go Go amogela bjalo ka—bjalo ka Gomangkanna ya bona—ya bona—ya bona, se sengwe seo ba ka beago tumelo ya bona go sona, gore yona pelo ya bona e tla feleletša Lentšu le lengwe le le lengwe le go le dira le bonagatšwe. E fe, Tate. Ka Leina la Jesu Kriste, ke a e kgopela.

<sup>353</sup> Bjale, ge le sa le fa mmogo le ka go sehlopha se sennyane se, ke nyaka le rapele. Gomme ga se ka ke ka dira se, eupša ke ikwela ke hlahlwa go se dira. E no tšwelangpele ka thapelong.

<sup>354</sup> Gomme ke ba bakae ba lena batho ka mo ba ba ntsebago? Gomme o a babja goba o a hloka, bakeng sa wenamong goba yo mongwe, phagamišetša diatla tša gago godimo. Gore le a

ntseba, le go tseba gore ke a le tseba, phagamišang diatla tša lena, mogohle. Le a bona? E no lebega boka bohle go dikologa. Bjale, beang diatla tša lena fase.

<sup>355</sup> Bjale, ba le tsebago gore ga le ntsebe, gomme ga ke le tsebe, phagamišang diatla tša lena. Oo, go le bjalo, mogohle, ga go tsela ya go ba aroganya.

<sup>356</sup> Bjale ke le nyaka le rapele, le rapele ka tlhokofalo. Le se belaele bjale. E nong go rapela. Gomme a re dumeleng Moya wo Mokgethwa . . .

<sup>357</sup> Bjale, ge ke boletše dilo tše, bjale, le tseba gabotse le gabotse ka go felela ga go kgonege go nna go tseba gore o mang, se o lego, goba e ka ba eng ka yona, se e lego phošo ka wena. Eupša go direga eng? A Jesu ga se a tshepiša selo se sa go swana ka go letšatši la mafelelo? A Yena ga se a bolela kua, ge A rile, “Bjalo ka ge go bile bjalo ka matšatšing a Sodoma”?

<sup>358</sup> Ge Modimo a bonagaditšwe nameng, Monna yola o tlide fale, feela Monna, a ejá nama ya kgomo goba namane, a enwa maswi, le borotho. Gomme O rile, “Sarah o kae?”

O rile, “O ka tenteng, ka morago ga Gago.”

<sup>359</sup> Gomme O boletše se A bego a eya go se dira. O rile, “Ke ya go go etela.” Abraham o Mmiditše *Elohim*, Morena Modimo. Gomme O rile . . .

Sarah o segile go yenamong.

<sup>360</sup> Gomme O rile, “Gobaneng Sarah a segile?” Ka mokokotlo wa Gagwe o furaletše tente.

Jesu o rile, “Bjalo ka ge go bile . . .”

<sup>361</sup> Le a bona, fao go be go le kereke ya tlhago, kereke ya tlhago, e bego e le Loto le sehlopha sa gagwe. Ba bile le Billy Graham wa sebjalebjale go ya tlase fale, le—le go ya pele, le Oral Roberts le bona, ba ba biletša ntle. Ba dirile mohlolo, bontši kudu, go foufatša. Ba rerile Ebangedi.

<sup>362</sup> Gomme go be go le Basodoma. Ka mehla go na le dihlopha tše tharo tša batho. Basodoma, le bona se ba se dirilego.

<sup>363</sup> Eupša bakgethiwa, mapentecostal, ba ba bitšwago bjalo, bao e be e le Abraham, bao ba šetšego ba le ka ntle ga Egepeta, ba šetše ba le ka ntle ga Sodoma, ba dutše godimo ka dinageng tša go šokiša. Le bona ke mohuta ofe wa Molaetša ba nago le wona?

<sup>364</sup> Bjale šetšang, lehono, ke neng go kilego gwa ba nako? Mpotseng ke neng nako e kilego ya ya ntle ka Sodoma.

<sup>365</sup> Elelwang, yoo e be e le Abraham, A-b-e-r-h-a-m, goba A-b-r-a-h-a-m, a ke re.

<sup>366</sup> Ke neng mo go kilego gwa ba motseta a kilego a ya go dikerekemaina tša selegae ka monna a fetša leina la gagwe ka h-a-m, G-r-a-h-a-m?

<sup>367</sup> Go reng ka sehlopha sa pentecostal? Ga se ya ke ya tsebja ka historing. Ke tla go e kgabola feela e se kgale, ke hlola maina.

Le re, "Maina ga a re selo."

<sup>368</sup> Gobaneng Saulo nako yeo a bile le leina la gagwe le fetotšwe go Paulo? Gobaneng Simone go Petro? Gobaneng Jakobo go Israele? Ka kgonthe, ke yona.

<sup>369</sup> Eba le tumelo go Modimo. O se tshediše selo seo Modimo a lekago go go fa. Bjale rapela. E re, "Morena Jesu, eba le kgaogelo."

<sup>370</sup> Ge ke sa phoše, ge le sa ne dihlogo tša lena di inamišitšwe, ke lebeletše godimo fa. Ke nagana yoo ke Kgaetšedi Carl Williams a dutšego godimo fa go la ka le letona. A yeo ke nnete, Mdi. Williams? Ke... Godimo fa, Kgaetšedi Carl Williams? Go bonagetše eke ke yena o dutše godimo fale go la ka le letona. Ke be ke se na le nnete. A ke e dirile gore e kwagale? Ke a thanka e be e se yona.

Ke leka go bona yo mongwe yo ke mo tsebago.

<sup>371</sup> Lebelelang go dikologa, ke bona Ngwanešu le Kgaetšedi Dauch ba dutše mo, eupša ba tšwa kerekeng.

<sup>372</sup> A ke Mdi. Outlaw godimo mo go la ka la nngele? Ke yo ke bego ke gopola gore lena ka moka le be le le, le eme fao. Mdi. Outlaw, ke a go tseba. O yo mongwe ke mo tsebago. Ke nyaka go go botšiša se sengwe. O lebelela thwi go otlologa go nna. A o ntumela go ba mohlanka wa Modimo? A o a dumela gore dilo tše ke di rutago ke Therešo? Bjale, Mdi. Outlaw, ga se ka bolela le wena ka mo ke tsebago, lebaka la ka godimo ga ngwaga, ge e sa le ke le mo pele. Aowa, ke a dumela ke go emišeditše letsogo, letšatši le lengwe, ka restoranteng.

<sup>373</sup> Lebelela mo go nna. Eupša o na le morwalo godimo ga pelo ya gago, e sego bontši kudu go wenamong, eupša go yo mongwe gape. Yoo ke mosadi yo moswa. Ke ngwetši ya gago. A o a dumela gore Modimo o kgona go mpotša gore bothata ke eng ka ngwetši yeo? O na le mohuta wa bothata bja disaenase, gomme gape o na le go tšhoga, kgonthe, go tšhoga ka kgonthe. Go lokile. O se ke—o se ke wa tshwenyega. Go ya go mo tlogela. O ikwetše yona thwi nako yeo, a dutše mo. Ya. Go ya go mo tlogela.

<sup>374</sup> E no bang le tumelo. Le a dumela? [Phuthego e re, "Amene."]

<sup>375</sup> Mohumagadi šo o dutše thwi fase pele ga ka mo, mosetsebje wa go felela. Eupša a ga le kgone go bona Seetša sela se lekeletše godimo ga gagwe? O tlaišega ka bofokodi ka mmeleng wa gagwe. Yena, ga a tšwe mo. O tšwa California. Ke nna mosetsebje wa go felela go mosadi, eupša o a tseba ke bolela le yena bjale. Le bona Seetša sela se lekeletše godimo ga gagwe? Ke nna... Ga ke mo tsebe, ga se ka ke ka mmona. Eupša leina la gagwe ke Mdi. Elliott. Ge o ka dumela ka pelo ya gago yohle, o ya gae, o dirwe go fola. O a e dumela? Go lokile. Bjale, ge ke le mosetsebje le se

sengwe le se sengwe, šišinya seatla sa gago, le wena, ka mokgwa woo. Le a bona? Phagamišetša seatla sa gago godimo, gomme dumela ka pelo ya gago yohle, bona ge eba seo se lokile. Eba le tumelo.

<sup>376</sup> Mohumagadi šo o dutše thwi ka pele ga gagwe, thwi ka thoko, o swanetše go ba monnamogatša wa gagwe. O dutše fale le yena, gomme o na le bothata ka digoba tša gagwe. Ba na le meroromelo ka go yona. Yeo ke nnete. Ee, mam. Mdi. Darwich, ge o dumela ka pelo ya gago yohle! O a dumela? [Kgaetšedi o re, "Ee."—Mor.] Ke wena yoo. Ga ke go tsebe, ga se nke ka tseba leina la gago goba selo ka lona, eupša seo ke therešo. A ga se yona? Gomme o be o dutše fale, o re, "Morena, a nke e be nna." Le a bona? Ge seo e le nnete, šikinya seatla sa gago morago le pele, ka mokgwa wo. Šikinya seatla sa gago ge seo e le nnete. Go lokile.

<sup>377</sup> Ke lena bao. Ga se nke ka ke ka mmona bophelong bja ka. Tate wa Legodimong o a tseba dilo tšela ke therešo. Yeo ke nnete. Ke eng? Ke Jesu Kристе. E dira eng? Seo ke tlwa se A rilego e tla se dira mo matšatšing a mafelelo.

<sup>378</sup> Bjale, ge yeo e le nnete, gomme Modimo a e diragatša, a bontšha gore e lokile, gona Lentšu ke le rerago le nepile, gobane ke Modimo wa go swana a bolokago Lentšu la Gagwe. Dumela go Morena.

<sup>379</sup> Tlogang go ditsela tša lena tše bolelo. Tlogang go dilo tše tseo di le gogelago ntle, boka Hollywood, dilo tše di le gogago boka dikereke ka moka. Boelang go Modimo, gomme le hwetše gomangkanna ye e tla swarago kgwaparetšo ya pelo ya lena.

<sup>380</sup> Ke ba bakae ba ka ratago go ba le boitemogelo bjola le Kристе? Emelelang ka maoto a lena thwi fa ka Bogoneng bja Gagwe, moo le tsebago O fa. Modimo a le šegofatše. Modimo a le šegofatše. Bjale, seo se kaone. Bjale, seo se a makatša. Oo, nna! Ga ke tsebe ke bolele eng.

<sup>381</sup> Ge yo mongwe le yo mongwe wa lena fa a ka amogela Molaetša wola, gore Jesu Kристе o thwi fa le rena! "Lebakana le lenyane gomme lefase, basedumele, ba ka se Mpone gape. Efela, lena le tla Mpona. Ke tla ba le lena, ebile ka go lena. Mediro ye Ke e dirago le tla e dira le lena." "Jesu Kристе wa go swana maabane, lehono, le go ya go ile." A yeo ke nnete? Gabotse, le Mmona a šoma, tlwa se A se tshepišitšego.

<sup>382</sup> Bjale, O mo. Selo se nnoši o swanetšego go se dira, e no se . . . E no ipea fase wenamong gomme o re, "Morena Jesu, bjale ke ikemišetše ka pelong ya ka, go tloga iring ye go ya pele, ke nna wa Gago, gomme O wa ka. Gomme ke nyaka boitemogelo bjo ka pelong ya ka, gore ke kgone go bolela Lentšu la Gago, Lentšu la Gago le tla phela. Gomme se ke se kgopelago, ke a dumela se tla dirwa." A le a se nyaka?

<sup>383</sup> Gona a re nong go phagamišetša diatla tša rena godimo go Modimo le go rapela, yo mongwe le yo mongwe wa rena bjale, yo mongwe le yo mongwe. Gomme ka gona ke nyaka gore o emiše seatla se tee godimo, gomme o bee seatla godimo ga yo mongwe kgauswi le wena. Therešo. Seo ke therešo.

Banna ba Kgwebo, Modimo a fele a le šegofatša, a be le lena!



*GOMANGKANNA* NST63-0127  
(An Absolute)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena morago ga sekgalela, Janaware 27, 1963, bakeng sa khonferense ya Full Gospel Business Men's Fellowship International ka Ramada Inn ka Phoenix, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)